

地 220.15
30
= 16

上元縣志



上元縣志卷末

據佚

據佚

建康城北有雞籠山東麓有泉至清而甘永旱不增
減道人令隱構精廬于其陽酷愛此泉以爲靈液
思作銘贊息夢一人元巾素衣謂隱曰此泉已有
銘矣卽高吟云原發石中脉分塵外如醴之味與
時而在吟罷不見因勒於石

天寶中商洛隱者任昇之自言五世祖仕梁爲太常
大同四年于鍾山獲古銘曰龜言土著言水旬服
黃鍾啓靈趾瘞在三山庚墮遇七中巳六千三百

上元縣志

卷末

據佚

浹辰交二九重三四百圮無能知者因緘其銘戒
子孫以此訪於通人昇之聞鄭欽悅名錄以示之
欽悅復書曰屬在途路據鞍運思頗有所得卜宅
者藏往知來隗炤之預識龔使無以過也當梁大
同四年歲次戊午言旬服者五百也黃鍾者十一
也五百一十一而圮從大同四年上求五百一十
一年得漢光武建武四年戊子三上庚三月上旬
之庚其年三月十日得庚寅是三月初葬于鍾山
也七中巳乃七月戊午朔十二日得巳巳是初圮
墮之日爲巳巳浹辰十二也從建武四年三月至



大同四年七月總六千三百一十二月每月一交
六千三百浹辰交也二九爲十八重三爲六末言
四百則六爲千十八爲萬自建武四年三月十日
至大同四年七月十二初圮記一十八萬六千四
百日故云二九重三四百圮也據歷計之不差一
數時服其辯慧

攝山神相傳爲楚之靳尚昔法度禪師居攝山一日
忽聞人馬鼓角聲俄一人持刺通靳尚名及至甚
都雅言弟子主此山七百餘年法師道德所歸願
受五戒度曰人神道殊無容相屈且檀越血食世

上元縣志

卷末

據佚

二

祀此最五戒所禁神曰若備門徒輒先去殺乃辭
去明日復遣送錢及香燭刀子及度爲設會神復
同衆行道受戒而去廟巫夢神告曰吾已受戒于
度法師矣祠祀勿得烹宰由是廟薦蔬食

金陵有樂官山南唐樂官所瘞處曹京建有序云南
唐初下時諸將置酒將作樂樂人大慟殺之聚瘞
此山因名樂官山詩曰城破轅門宴賞頻伶倫執
樂泪沾巾駢頭就死緣家國愧殺南歸結綬人

吳都賦橫塘查下邑屋隆夸長于延屬飛甍舛互吳
大帝時自江口沿淮築堤謂之橫塘北接柵塘蓋

其時夾淮立柵白石頭南上十里至查浦查浦上
十里至新亭新亭南上十里至孫林孫林南上十
里至板橋查浦卽查下也金陵鼎族聚居橫塘查
浦間樓閣壯麗天下莫比至趙宋猶然馬制使光
祖詩如今何處是橫塘在府城南淮兩旁魏蜀兩
都皆不似蓬萊三島足相方烏衣巷口排金屋朱
雀橋邊立粉牆有底繁華難說似何妨把作畫圖
張

宋文帝元嘉二十一年司空大司農京尹令尉度宮
之辰地八里之外整制千畝中開阡陌立先農壇

上元縣志

卷末

撮佚

三

於中阡西陌南設御耕壇於中阡東陌北梁武帝
普通二年又移籍田于建康北岸築兆域如南北
交別有望耕臺在壇東宋孝武帝大明四年始於
臺城西白石里爲蠶所設兆域置大殿又立蠶觀
今地皆不復可考

冶城北有謝公墩謝靈運賦視冶城而北屬懷文獻
之悠揚李白有登金陵冶城西北謝安墩詩序云
此墩卽晉太傅謝安與右軍王羲之同登超然有
高世之志於時營園其上故作是詩有曰冶城訪
古蹟猶有謝安墩平覽周地險高標絕人喧想像

東山姿緬懷右軍言白鷺映春洲青龍見朝暎地
古雲物在臺傾禾黍繁我來酌清坡於此樹名園
城東半山寺後別有謝公墩按慶元志城東半山
寺舊名康樂坊因謝元封康樂公至孫靈運猶襲
封今以坊及謝公墩名觀之恐是元及其子孫所
居余前正疑王荆公我屋公墩之說與冶城北相
遠今據此志乃知金陵自有兩謝公墩在冶城北
與永慶寺南者乃謝安石所眺若荆公宅之半山
寺所云謝公墩乃謝元所居在舊內東長安門外
銅井巷旁所謂半山里者荆公或誤以爲太傅也

上元縣志

卷末

據佚

四

袁小修記金陵街石云洛陽石經蔡中郎所書後遷
於長安唐天祐中韓建築新城委棄于野朱梁之
變劉鄴守長安有幕吏尹王羽者曰鄴請輦入城
鄴然之乃移遷城內所以不爲瓦礫而至今存者
王羽之力也宋天聖中詔營浮圖姜遵在永興軍
毀漢唐碑之堅好者以代輒斃當時有一縣尉具
言不可力懇不已至于叩頭流血此尉必佳士也
寶愛舊蹟至于叩頭流血以請亦甚可哀至今逸
其姓名不得與王羽並傳則尤可哀矣予遊南都
見其街多以青石爲砌瑩於竟而故老云此皆先

朝舊豐石也予謂不然昔魏文取兩漢碑爲九華
殿樓基識者以下當塗之德不長况在開國之初
寧有斯事姑無論睿哲在上卽翊運諸公其識豈
出王羽縣尉下哉六朝舊地物力原饒自多佳石
且臨江水采取不難故老所傳不足信也

陶學士安云金陵城南三舍地名同山有大族曰周
氏由宋初卜築其地紹興以來同居者九世歷二
百有餘年子孫蕃衍老幼于指功總以降幾至親
盡朝夕聚處雖怡怡出則同門食則共爨爲其
長者類皆尊而能勤富而能儉用是家法嚴明人

上元縣志

卷末

撫佚

五

心齊一孝友慈愛毫無間言也按舊志明師渡江
周氏九世孫祓糗糧以迎乃官祓武寧主簿正統
間祓孫鏞又出粟賑饑旌爲義民南畿志云唐有
周惟長居橫山與李白往來卽祓先世也

盛仲交取金陵二十四泉各序而贊之名曰金陵泉

品曰雞鳴山泉 國學泉 城隍廟泉 府學玉

兔泉 鳳凰泉 驍騎衛倉泉 冶城忠孝泉

祈澤寺龍泉 石山白乳泉 品外泉 珍珠泉

牛首山龍王泉 虎跑泉 太初泉 雨花臺

甘露泉 永寧寺茶泉 淨明寺玉華泉 崇化

寺梅花泉 方山八卦泉 靜海寺獅子泉 上
庄宮氏泉 德恩寺義井 方山葛仙翁丹井
衡陽寺龍女泉 周吉甫增八處曰謝公墩鐵庫
井 鐵塔寺倉百丈井 鐵作坊金沙井 武學
井 石頭城下水 清涼寺對山蓮花井 鳳臺
門外焦婆井 留守右衛倉井 卽鹿苑寺井
吉祥寺雷從地奮遂成一片井泉味獨勝今謂之雷
泉

鑿駕庫迤東有銅井菴菴前井舊以銅爲底蓋下通
大江井中水如鼎沸魚鱉隨水上下焉

上元縣志 卷末 撫侯

六

舊五城兵馬曰頭牌二牌五牌者頭牌有印無牌二
牌五牌皆有令牌故云然夜間巡城則執牌指揮
使以下見牌皆跪尚寶司坐廳日兵馬送查以物
擊之以驗不壞牌銅鑄身圓如鏡上如荷葉有蒂
作孔以繫繩一面楷書大令字一面符篆夜巡牌
三字兩旁楷書某字幾號四字

靈谷寺經回祿後尚有吳偉畫壁三堵後不存姚元
諸天神像中繡三十三天崑崙山香水海高一丈
二尺潤如之真齊梁時物

靜海寺有水陸羅漢像乃西域所畫太監鄭和等攜

至每夏間張掛都人士女競往觀之

方山定林寺有乳鐘卽所稱景陽鐘也鍾有一百八
乳乳乳異聲故名乳鐘又有象皮鼓云是象皮所
鞞

留都午門前有數尺地不生青草云方孝孺受刑處
先是秣陵科第稀相地者謂水聚於武定橋儒學前
宜設橋以關水因設文德橋草創以木後以石易
之豎極橋下得一罈罈中有錦鯉三又金鎖甲一
人以爲鼎甲之兆嗣是焦朱顧相接及第

孝陵衛觀音寺觀音座後壁一石方一丈六尺餘大

上元縣志

卷末

據佚

七

士背石坐旁視之大士眉髮正映其中如對鏡然
丁司空賓濬河于珍珠橋竹橋之間得石山于河底
高若干丈上有字云宋某年臧茂叔游此勒是必
園林之物久而在河底高岸爲谷邪

顧文莊古蹟儷語曰 白石青溪 龍廣山雞鳴埭

蟹浦龍山 桐樹灣竹洛渡 直瀆橫塘 謝公

墩杜姥宅 烏榜村青林苑 西州東府 三山

二水 烏衣巷紅羅亭 李後主作亭 一人泉五馬渡

商飈館 宋 甘露亭 陳 蘼蕪澗菜萸塢 入漢

樓 晉 橫江館 三品石八卦泉 方山定林寺 赤烏殿

吳朱雀航 青溪祠白石廟 南湖北山 珍珠

河陳胭脂井 鼓吹山幕府寺 花林村竹篠巷

夏侯山朱年壠 覆舟山投書渚 皂莢橋白

楊路 赤闌橋烏衣巷 蒼龍堰後湖白鷺洲

籬門五十六所秦淮二十四航 梁武帝殿唐百

尺樓 伏龜樓在宋府城東南 躍馬礪城南即南礪

樓西州路 青溪宮白石壘 宋玉燭殿梁金華

宮 落星樓清暑殿 鳳凰里燕雀湖又云蚶蚩

蟻 疑城辱井 覆杯池元帝 麾扇渡 玉樹後

庭金蓮帖地 慈姥山道士塢鍾山 莫愁湖桃葉

上元縣志

卷末

據佚

八

渡上梁妓下王大令妾 穿針樓邀筵步 謝元走馬路盧

絳翔鸞坊 橋名萬歲臺曰九日 棲霞寺落星

墩

李太白上裴長史書云白家居金陵世為右族遭沮

渠蒙遜之亂奔流咸秦因官寓家觀此白亦金陵

人後為供奉求還山乘舟至金陵有從於僧中孚

止高座寺白依焉嘗著宮錦袍坐舟中浮江而下

旁若無人又嘗脫紫綺裘換酒飲落星磯上

唐主李昇受吳主禪奉吳主為讓皇讓皇長子璉先

納唐主第四女為妃賢明溫淑容範絕世及禪代

封永康公主聞人呼公主則嗚咽流涕辭不願稱
宮中爲之慘戚璉卒後公主斥去容飾不茹葷血
日誦佛書自稱未亡人朝夕焚香對佛自誓曰願
兒生生世世其爲有情之物居延和宮年二十四
無疾坐逝凡七夕光如剪練長丈餘自口而出至
殮溫軟如生先主悼痛詔李建勳建碑宮中紀其
異焉

徐鍇處集賢朱黃不去手非暮不出嘗指其家曰吾
直寄此耳少精小學故所讐書尤審諦江南藏書
之盛爲天下冠鍇力居多

上元縣志

卷末

據佚

九

南唐將亡數年前修昇元寺殿掘得石記其詞曰莫
問江南事江南事可憑抱雞昇寶位趁犬出金陵
子建居南極安仁秉夜燈東隣嬌小女西虎路河
水宋師以甲戌渡江後主實以丁酉年生曹彬爲
大將列柵城南爲子建也潘美爲副將城陷恐有
伏兵命卒縱火卽安仁也錢俶以戊寅年入朝盡
獻浙西之地

辛思順金陵老儒也皇祐中沽酒江州人無賢愚皆
喜之時江上劫賊方熾有一官人艤舟壚下偶與
思順往來相善思順以酒十壺餉之已而被劫掠

於蘄黃間羣盜飲此酒驚曰此辛秀才酒耶官人識其意卽給曰僕與辛秀才親舊賊相顧嘆曰吾儕何爲劫辛老所親哉歛所劫還之且戒曰見辛慎勿言思順年七十二日行二百里盛夏暴日中不渴蓋嘗啖物而不飲水云

鄧伯言遊玉笥山題詩云洞天明月一雙鶴澗水碧桃千樹花宋潛溪極賞此句以詩人薦於朝明太祖召見令作鍾山晚寒詩詩成有鰲足立四極鍾山盤一龍句太祖覽之拍案大喜伯言伏丹墀誤疑怒已遂驚死扶出東華門始甦次日授翰林檢

上元縣志

卷末

據佚

十

討

秦從龍洛陽人爲元江南行臺侍御史居鎮江高帝聘之時上初至金陵尚居富民王綵帛家因與從龍同處訪以時事盡言無隱旣而上卽元故御史臺爲府居之事無大小皆與之謀嘗稱爲先生而不名陳中行先生元之所薦也又有周良卿立某皆素有德行高帝以禮延請詢以政事與秦號曰三老敬之甚厚

楊翮字文舉金陵人元末提舉江浙學校楊孟載有悼楊文舉博士詩云白髮蒼髯老奉常亂離終喜

得還鄉入分書古追東漢七字詩成到盛唐則其
爲人之文采風流可以想見翮有題徐熙桃花鸚
鵡圖詩海上紅雲日日新碧鸞無夢識芳塵金籠
不鎖閑鸚鵡占得東風一段春

揭軌宴南市樓云詔出金錢送酒壚綺樓勝會集文
儒江頭魚藻新開宴苑外鶯花又賜醕趙女酒翻
訶扇濕燕姬香襲舞裙紆繡筵莫道知音少司馬
能琴絕代無蓉塘詩話曰國初于金陵聚寶門外
建輕烟淡粉梅研柳翠十四樓以聚四方賓客永
樂中晏鐸金陵元夕詩花月春風十四樓

上元縣志

卷末

據佚

七

金陵杜安道以鑷工事明太祖爲人醇謹官至太常
卿劉誠意基有詩贈之云憶昔天兵伐荆楚舳艫
蔽江齊萬櫓謹聲激烈似雷霆猛氣包憊震貔虎
拔柵皖城猶俯拾探穴九江無險阻明年大戰康
郎下日月塊北相吞吐河伯蹋浪羣水飛巨鰲掉
首三山舞雲隨太乙擁絳旗鼉爲豐隆作靈鼓將
軍金甲箭攢蝟戰士鐵衣汗流雨火龍燔焰絳天
衢燧象虺烟煎地府鯨鯢旣翦攬捨落草木熙陽
魚出釜當時從臣皆俊良近世共推徐與杜或操
陳子之刀鑷或負伊公之鼎俎艱難出入矢石下

鞠躬盡力無推阻夙興夜寐事一人小心不二帝
臨女只今四海同車軌葑菲罔遣遵往古瓊琚赤
芾箠鷓竹鞍馬祿食光門戶天雞一聲金闕啓龍
顏有喜常相覩顧我愚疎憂患集病骨峻嶒蒸溽
暑興來懷舊倚長謔星星兩鬢絲干縷詩中所云
徐與杜皆爲近侍徐有鼎俎之語似屬庖人今不
知爲何人矣

張文昱金陵人洪武五年知邵武廉介愛民善詩文
尤精于畫號蒲塘散人後官刑部侍郎

武進士第一人解元家藏其祖解道像年二十許烏

上元縣志

卷末 據佚

七

紗矮冠服朱團領袞袍二軍士持刀侍立袍高帝
所賜也又御書解道二字大不及一寸紙高四寸
許長六七寸許元父曉常言道之祖與高帝微時
有舊帝卽位召其五子悉令從軍相繼歿于陣帝
心憐之命抱其孫至賜今名官留守衛指揮年甫
弱冠耳一日道入朝張真人于朝班中與道揖爲
御史所糾帝詰其故真人對曰臣不敢言言則道
死矣固問之曰道乃黑煞神降生故臣爲加禮耳
道旋趨出至午門前立化高帝乃賜祭凡三易祭
而屍不仆問之真人真人曰須上賜乃可帝乃解

所服衮袍賜之袍始加身身卽仆王丹正嘗見其像與御書元孫學熊戊辰進士練瓊瓊者中丞子寧之女也靖難時中丞死最烈誅及九族獨瓊瓊在宣德改元赦瓊瓊歸令擇壻封以官而授之敕曰靖難懷忠全臣子之職分賞功問罪示人主之恩威茲朕嗣登宸極忝爲天吏統御萬方敢不以生物之心爲心茲當追謚忠貞以彰報賚咨爾練子寧爲國良臣隕身抗節罪及全家患連九族遺女練瓊瓊朕今憐爾父忠爾宗祀絕赦爾大罪令爾還鄉賜爾招婿封之以官授爾以救守爾父業

上元縣志

卷末

撫佚

三

報爾父忠慰爾父靈爾其欽哉當該官吏毋許糾虐軍不許役匠不許班業不許霸敢違宣命卽以本犯本罪罪之後瓊瓊歸臨江嫁陳用昌至今子孫世守此敕萬歷中中丞孫綺自閩長樂歸始主中丞祀

朱銓字士選從兄孔陽學書得鍾王法文名甚著永樂中選寫金字經宣德初與修兩朝實錄歷官刑部侍郎介性特操凜不可犯居官廉平無冤民與人交溫然可挹賢于已者折節下之銓沒後百年無人祭掃有內侍造墳取其碑跌去至墳上石龜

大吼數聲內侍不敢留送歸原處

明初南都有尤六十者以父六十歲日生因名六十力負萬斤人或不識誤與競六十不怒更好謂若且來吾與若語遂持其襟袖摔至廊簷下以一手援柱起引其人之裾壓柱下人知而懇之乃舉柱出衣其力有時發不可忍急走山中遇大樹拔之連仆數株力稍稍殺矣長日不出則取徑寸大藤繩十許丈以指掐之寸寸皆斷以是爲嬉以勇名遠近而性不好競悛悛衆人中頰首徐步若無僮石力者亦一奇人也

上元縣志

卷末

據佚

古

靜虛金公潤與王公浚俱以高年居林下相友善金公子紳以北大理陞南少司寇抵任後首謁王公先是司寇于王公執子姪禮甚恭至是王公延之上座司寇不辭而坐王公不悅別後移書靜虛具道其事靜虛切責司寇云吾止此老友以爾傲慢遂致疎絕何以爲情乃移書謝之王公不納靜虛率司寇往謝三返而後得見自是款洽如故前輩風度今不可見矣

金都憲公澤能知人王襄敏爲諸生時公卽器重之贈以所服金帶且語之曰子異日名位當似我也

後王公貴果如公言顧東橋先生撫楚時江陵張文忠公居正年甫十二三有雋才公大爲賞器嘗因試對句解所服金帶贈之且曰子異日何但繫此帶聊以見子期子意耳且少子峻與結世好出曰異日貴幸勿相忘後文忠公官政府感先生知因公在日被讒特從部議予祭葬官峻爲上林苑監事李遠菴先生官浙時海鹽鄭公曉爲諸生遠菴大奇之許爲國士曰子必得元已鄉試果第一赴公車往辭先生曰此行仍當第一若第二人勿子見也已舉第二人歸逡巡不敢見三公知人之上元縣志

卷末

撫佚

五

明如此

南京倪青溪文毅公家居鐵作坊任南京兵部尚書時凡往部必步出街口方乘轎歸則必於此下轎或曰公尊貴矣何自苦如此公曰鄉黨父兄宗族故舊俱在此生長豈得居然自尊又常曰吾嘗童時能讀書作對句鄰里親戚俱喜旣而入學補廩又皆喜中舉中進士又皆喜及其爲官不勝尅害鄉里此心何忍况朝廷之所作養學校廩膳科舉過京諸費孰非鄉里之膏脂乎一旦得志正宜補報何可妄作威福以毒苦之乎

金陵焦太公後渠爲人端毅抗直侃侃多大節雖襲祖廕官至武毅將軍飛騎尉而有古逸民風凡世所歆艷一切隆赫不以累表且好行德義事有吳主簿者部運至留都以八百金相寄忽暴隕家人不知金所在以爲亡矣公曰爾主有金在此舉以還之仍爲護其喪歸通州通州人至今誦義公卽太史猗園尊人也太史之蔚爲儒宗淵源有自矣乃其陰德與還帶何殊公未身食其報晉公勛業其在太史乎

南京裕民坊民家淘井得一瓦枕上有一符符下有

上元縣志

卷末

據佚

去

驅瘧二篆字相傳爲諸葛武侯時所製病瘧者枕之卽愈彼此轉相借用爲鄰人所匿因訟于官亦不能得

徐霖少年時好輕俠所填南北詞大有才情語語入律娼家皆崇奉之吳中文徵仲題畫寄徐有句云樂府新傳桃葉渡彩毫遍寫薛濤箋乃寔錄也

鄭濂金陵新橋人性甚孝嘉靖時爲御史官至湖廣大叅其事母每至辰必命醫診脉以偵氣血盛衰曾在三茅山爲母祈壽焚禱畢出殿門忽拾念珠一串一百八子心竊喜謂母壽當如其數拾歸之

夕爲鼠耗去十七子止九十一子母果九十歲無疾而終人咸以爲孝心所格與周吉甫交善且鄰居每述其事

倪文毅夫人盧氏名允貞字德恒白描工妙嘗自寫九誥圖璇璣圖二卷藏于家曾孫民悅每出以示客周吉甫見之

顧華玉晚歲家居文譽籍甚又居都會之地希風問業者戶屢恒滿構息園治幸舍數十間以待四方之客客至如歸命觴染翰留連浹歲無倦色卽寸長曲技必與周旋欸曲意盡而後去喜設客每張

上元縣志

卷末

撫佚

七

譙必用教坊樂工以絃索佐觴最喜小樂工楊彬常詫客曰蔣南泠詩所謂消得楊郎一曲歌者也正奏樂時每發一談則樂聲中閑談竟樂復作議論英發音吐如鐘每一發端聽者傾座咸以爲一代之偉人處承平全盛之世享園林鐘鼓之樂江左風流迄今猶推爲領袖也

唐詩字古風應天庠生以孝聞遇老叟稱其有仙骨約于天地壇三更時授以內外丹有道流勸之入山詩曰家有老母世無不孝神仙及母卒別親友遂去

謚法非三品以上兩京大臣不得與留都大臣之有謚者惟倪文僖謙文毅岳周襄敏金劉清惠麟梁端肅材王襄敏以旂六公皆尚書也張學士益五品而得謚文僖以扈從死難之故太醫院判蔣用文以六品小臣而得謚恭靖尤爲曠典武臣死難而得謚者三百年中張莊節可大一人而已

南坦公嘉靖時爲大司空請老家居遇直指使者來頗以飲食苛求屬吏稍不精腆輒被誚讓郡縣患之劉公曰此人吾門生會當開論之俟其來謁因欸之曰欲設席相邀恐有公務廢閣不如今日留

上元縣志

卷末

據佚

六

此一飭但老妻他往無人治具能從家常飭對食乎直指以師命不敢辭唯唯就坐則又故延緩之自朝過日午飢甚比就案設食惟脫粟一盂豆腐一器而已少頃佳肴美醞羅列盈前直指不復能下箸公強之對曰適已飽甚茲不能也公嘆曰此可見飲饌原無精粗飢時易爲食飽時難爲味時使然耳直指喻其言遂絕不敢以盤餐責人

南坦公與王南原公至戚南坦有一寶刀南原心欲之南坦公亦心許之皆未曾明言及南原死南坦自湖州來觀葬取寶刀埋之于墓中宛然季札之

風

武宗至金陵嘗午夜幸徐子仁家夫婦倉皇出拜上命置酒家無供具以蔬笋鮭菜進御上大喜爲之引滿酣暢而去已而數幸其家御晚靜閣垂釣得一金魚宦官爭買之上大嘆失足落池中袞衣沾濕快園中有宸幸堂浴龍池紀其遇也

王尚書石岡做秀才時有矮屋三間貴顯後移于園中不加粉飾題曰存本堂

周約菴尚書金父衛軍也家于交石吳尚書之側開小酒肆尚書十許歲時赴塾師常過吳公門吳公

上元縣志

卷末

據佚

九

目而器之許妻以女一日召飲坐上果有耦杏吳公出句云緣何方得藕周公應聲云有杏不須梅座客盡驚吳公常語其夫人曰此子名位後當勝我復爲次女擇婿見金公清童年器宇不凡歸與夫人言之夫人出對試之云汗血名駒起足已存千里志清對云圓吭仙鶴擡頭便徹九臯聲夫人喜其許字焉周公後至尚書金公至御史

顧文莊記諸名公像云倪文僖公與子文毅公像俱方面大耳豐頤頰微髭鬚文毅尤爲肥碩聞其孫翰儒言腰帶圍可容中人四軀也文僖公初無子

禱于北岳夫人姚夢岳神指捧香盒童子曰以爲爾子孕而生公故名岳祝枝山野記亦言文教頤躬廣頤美如冠玉腹大十圍體有四乳云 王襄敏公廣額豐頤而骨氣峻拔有威重印堂中直紋五條右頤有一黑子音吐如鐘 都督劉公墜面巉削無渥顏聳肩如寒士然 楊水田公成鐵面劍眉凜不可犯 陳太史公沂軀不甚長神采朗秀眸子可照 邵僉憲公清貌古神秀其聲清遠徐子仁公霖廣面長耳美鬚髯體貌偉異老而豐潤行步如飛號曰髯僊 謝野全公承舉美鬚

上元縣志

卷末

推佚

三

髯行九人稱曰髯九 許奉常公穀長頭面白哲而圓巨鼻微鬚雙眼如碧色八十時狀如世壽老子 王吏部公鑿面白哲骨峻嶒清峭兩眉如劍直豎微髭鬚望之義氣凜然 殷宗伯公邁面圓黃白色微鬚清靜之意可見 姚太守公汝循身可中人面上圓下稍銳白哲小有鬚向人多笑容 余司成公孟麟目小而圓骨法清古耳高于眉下微銳沈侍御公越修幹廣頰氣韻高邁 盧苑馬公璧長身面如之黃色古而硬老矣多皺紋 王太守公可大修軀銳首面長尺白哲眉目疏朗

微髭鬚手掌如噴血長上短下聲如鐘 吳司寇
公自新大軀方面白皙而紅微髭鬚豐頤目光外
現有威重

雲浦盛時泰字仲交高才博學有聲文場既屢失意
將老矣居常仰屋而歎孺人沈氏曰君見里中得
意人乎不過治第舍買膏腴榮耀閭里爾以妾觀
之有三殆焉屈志徇人一也踰憲贖貨二也生子
不肖之心三也孰與君家居著書之爲高乎從君
隱處山中可免三殆之憂奈何長歎哉仲交笑曰
爾能是吾今可爲大城山樵矣

上元縣志

卷末

據佚

三

李言恭字惟寅岐陽武靖王裔孫也自岐陽父子好
文墨親近文士言恭沿襲風流招邀名彥兩都騷
人墨客望走如鶩以勲臣留守陪京位元戎列師
保累年而卒子宗城字維藩亦有文好士東封之
役奉使不終家于金陵賦詩結社有承平王孫之
風

嚴賓字子寅一字鶴止字法米帖粗能詩及畫蘭竹
所蓄古法書名畫頗多有藤牀藤椅皆藤所成不
加寸木又有棗根香几天然爲之不須鑿削最稱
奇品隋于煑茶茶具皆佳妙文人墨客多與之游

往來東橋衡山諸公之門

金陵佳麗仕宦者誇爲仙都游談者指爲樂土弘正之間顧華玉王欽佩以文章立壇陳大聲徐子仁以詞曲擅場江山研淑士女清華才俊歛集風流弘長嘉靖中年朱子价何元朗爲寓公金在衡盛仲交爲地主皇甫子循黃淳父之流爲旅人相與授簡分題徵歌選勝秦淮一曲烟水競其風華桃葉諸姬梅柳滋其研翠此金陵之初盛也萬歷初年陳寧鄉芹解組石城卜居笛步置驛邀賓復修青溪之社于是仲交在衡以舊老而蒞盟幼于百

上元縣志

卷末

據佚

三

穀以勝流而至此厥後軒車紛還唱和頻頻雖詞章未爛大雅而盤游無已太康此金陵之再盛也其後二十餘年閩人曹學佺能始迴翔棘寺游宴冶城賓朋過從名勝延眺縉紳則臧晉叔陳德遠爲眉目布衣則吳非熊吳允兆柳陳父盛太古爲領袖臺城懷古爰爲憑弔之篇新亭送客亦有傷離之作筆墨橫飛篇帙騰湧此金陵之續盛也啓禎之際李宗伯本寧焦修撰弱侯倡率于前黃監丞明立俞少卿仲茅導揚于後一時詞人若韓孟郁范仲闇林茂之薛干仞輩同聲倡和分題刻燭

不數八又之奇選伎徵歌數聽六公之秦第止生
秦淮五日之會賦得投詩弔汨羅作者凡三百餘
人遊舫河亭坐客皆滿葢盛自此而極矣

金陵羅燾字元溥以歲貢授光澤縣主簿與邢雉山
許石城結社有淵泉集四卷玉泉陳鳳落花唱和
詩序云吾鄉羅淵泉氏自髫年卽好聲律旁蓄羣
籍牙籤滿架偶得石田翁落花詩憑几酬和得二
十首玉岑王子懷荃楊子江東文士也亦次韻屬
和焉元溥晚過東山寺云聞鐘知寺近逢鹿覺山
深宿高座寺云月來半榻寒松影風送滿山秋葉

上元縣志

卷末

據佚

三

聲爲集中名句

向巒字序伯嘉靖癸卯鄉薦任興國知州積案有冤
獄久不能白巒至立雪之是夜夢閱應天試錄有
向德象名後生子名辰彥久不得入泮因憶昔夢
改名德象遂中萬歷辛卯舉人

喬白巖叅贊南京機務時值寧藩謀逆聲言取南京
兵已至安慶而白巖日引一老僧與一醫士所至
游讌兼以校奕實以觀形勢之險要而外若不以
爲意者人以為一時矯情鎮物有費禕謝安之風
海忠介公爲南右都御史風猷凜然與李敏肅公管

察事秉公持正卽權貴關白略不少拘留都清議
因之愈重一日因送表向三山門內一孝廉家借
坐孝廉家屋極壯麗憚公清嚴聞其來盡撤廳事
什物索舊敝椅數張待之人謂有楊縮令人減騶
撤樂之風公每出行所至人必擁輿左右聚觀之
婦人童孺咸懽呼鼓舞卽司馬溫公之入汴不是
過也其初來蒞任止攜二竹筥舟泊上河人猶不
知嘗病延醫入視室中所御衾襦皆白布蕭然不
啻寒生後薨于位以如是人品乃一給事中從臾
一督學御史以柱後惠文彈之嗟呼坐鳴臺中呵

上元縣志

卷末

據佚

舌

佛罵祖者豈獨一張商英哉

丁清惠公爲操江都御史兼掌刑部大理寺萬歷丙
午長至有妖人劉天敘將乘百官上陵時爲變事
泄被擒黨凡四十餘人大抵皆菜傭踏麵人也叅
贊守備等將攘爲奇功盛氣與丁公言叛逆大夥
不可縱丁素和煦衆恐其爲叅贊守備所怵不能
堅持而丁更以婉行之曰某不才事旣在我輕重
禍福獨當之不以累諸公也時軍士乘機脇詐誣
者近千人人丁公悉械其詞致之叅贊擬磔一人斬
一人餘悉充戍而故事戍者必立枷時方霉雨枷

大中橋不一夕已有死者丁聞之亟召錦衣官并兵馬官語曰如此十日則盡死朝廷開以生而我輩死之必殃及子孫亟搭蓆蓋坐以蒲團湯沐飲食之四十七人皆得免

韓襄宇家世戶侯洞知運軍之苦爲戶部郎一承板閘差卽疏陳革弊七款中有兩事軫恤糧船一云各船之中糧運最苦跋涉數千里旣阻隔于程途往返一期年又閱歷乎寒暑詳查漕政淺船北上許順帶上宜誠閱之也誠恤之也權關者不諳故典勒其納科以致運艘稽遲軍旗喧闐非所以仰

上元縣志

卷末

據佚

五

重國儲下恤貧軍也今後糧船到關隨到隨放不得耽閣時刻一云回空糧船或有順帶貨物所得些須止可糊口近例每倉收鈔二錢割鷺股以充腹不忍也今後北來糧船許其擊鼓稟放卽清晨未視事之前亭午旣退食之後到關卽行不許守關人役藉口留滯此二法行運軍普受其賜公又精于九章之法筭節慎庫時算出積歲羨金九萬有奇盡以上聞奉旨紀錄歷通政

張元度名振英爲諸生有聲家徒四壁而左圖右史焚香掃地秩如也研牀筆格楚楚有致窗下雜植

花卉杞菊與至豪飲高歌詩多谿刻字法雲麾碑
嘗于隙地種竹數十竿因號苦竹君顧文莊亟稱
之

前輩酒德之美使人欲傾家釀者無過許石城先生
年至八十與客飲猶可二斗許盡日咲語獻酬交
錯玉山乍頽金波猶寫真盛德名流也次則王方
伯與竹公名橋萬歷甲戌進士嘗至一中貴所以
十大碗一百小杯進公徐飲畢策馬而歸公七十
時顧文莊有詩祝之曰遺風自許從先進古道真
堪式後生胸次幾曾忘坦蕩口端終不挂訛評蓋

上元縣志

卷末

據佚

矣

實錄也

胡正行休寧諸生流寓金陵究心理學私淑近溪羅
子以道脈爲已任躬行實踐掃除窠臼天玉何公
折節與交延置家塾繼主明德書院所著四書正
說貫爲錢嘉善孔建德兩相國所賞

孫謀字燕貽一字五城性質樸好學任禮隱居金陵
十廟山下善書能詩文客金閭申文定公與講均
禮嘗贈以詩云白下曾傳幼婦詩神交千里重相
思到門不惜挈舟遠傾蓋翻憐握手遲茂苑鶯聲
堪共聽濠梁魚樂許誰知悠悠明月秦淮夜可是

孫登獨嘯時與王百穀陳古白友善謝去諸生作
枕流漱石閉戶映雪長嘯作賦酒樓七咏以見志
文定公爲之序厭時俗衣冠澆薄著高冠重履短
袖如杜鄴之大冠間出卽以老婢持葢市人笑之
不顧也每賣字得錢卽付酒家有瘠田數畝時歸
溧省耕主城南陳躍之宅以躍之爲尉而有品也
邑中多孫五城書

武光輔性至孝少失父每事奉母命不敢專習學有
成母令援監以母老不忍仕居常好遊山水意若
有所尋覓忽得神力以千百斤巨石試之若弄瓦

上元縣志

卷末

據佚

七

嘗在國學值修造羣匠昇一石不起光輔一手提
之走大司成見詫曰吾門有扛鼎耶善畫竹梅以
自娛不爲人所強讀書隨卷輒盡但點頭微笑而
已母卒遂學道服外方衣持竹杖出入飄然一日
命肩輿曰吾欲有所往行數里叱歸喚家人具湯
浴罷焚香端坐而逝越月餘里人自廣陵歸曰某
日在廣陵道上與語良久持杖如平時叩家人卒
之日乃相遇之日也異哉

百歲稱爲人瑞自古難之而上元數十年中得數人
焉民鄧漣百歲盧妃巷住人蔡一寧百歲馬應

妻馮氏百有三歲孝陵衛吳仁妻馬氏一百有二
歲貢生伍之父母李氏百歲住府前上元庠生許
守巽九十五歲湖墅鎮潘起貞妻九十七歲子國
璽國圻孫正鑑正鎧曲盡孝養文學孟弘任妻梁
氏百歲媳戴氏白首承歡孝敬弗怠沈氏陳國祥
妻百歲建坊曹氏仝志謙妻百歲乾隆八年建坊
顧文莊曰金陵六代文獻之淵藪自唐歷五季宋元
名人魁士代不乏賢金石之章固當不可勝記乃
今余所目見僅吳天璽碑重刻嶧山碑攝山江總
持碑唐高正臣書碑祈澤寺宋紹興碑爾改革之
上元縣志

卷末

據佚

天

際爲人焚毀橋基柱礎何但魏經礪角磨刀寧唯
漢寢以不刊之遺蹟與寒烟野草共銷滅於三山
二水之間固有識者之深悲而無名公所竊笑也
暇日尋檢舊志擇其文字之尤宜存者志之爲慕
古者動遐想焉

南岳碑七十七字

湛尚書門人重勒在臨淮侯園
中太宰楊時喬再刻于攝山

秦始皇帝東遊頌德碑

重摹小字
在舊府學

秦泰山碑

與前碑爲一篇又
名二世東行詔書

秦嶧山碑

重摹小字在府學攷金
陵新志乃元李學契刻

吳後主紀功三段石碑一曰天發神讖碑一曰天璽

碑華嚴文皇象書瑣事又定為蘇建書非篆非隸最為奇古原刻在巖山今在府學尊經閣下

攝山棲霞寺碑梁元帝文 鍾山飛流寺碑梁元帝文

晉元帝廟碑宋胡銓撰 開元寺碑梁王筠文

卞公忠烈廟碑宋胡銓撰 長干寺眾食碑陳徐陵撰

晉竺使君銘又竺使君頌二碑在金陵鄉張陣湖碑石損斷

宋謝濤夫人王氏墓記六朝事跡云在土山淨名寺後移在上元縣

維摩居士像碑晉頌長康畫在元戒壇寺宋蘇頌重刻有像記見金陵新志

王羲之蘭亭記留守晁謙之以家本刻于細書閣三段石後壁間

宋江夏王義恭湯泉銘銘四句似五言詩諸志不載獨見于金陵世紀

齊海陵王墓志宋謝朓撰并書

上元縣志 卷末 攬佚 无

棲霞寺新路記新志誤作徐陵據本文為徐鉉作

梁開善寺智藏法師碑蕭挹書

梁侍中司徒始興忠武王碑徐勉文貝義淵書在上元縣黃城村有石麒麟

四又梁巴東獻武公碑亦在黃城村

梁散騎常侍司空安成康王碑劉孝綽文貝義淵書上元清風鄉甘家巷

梁永陽王墓志徐勉文在清風鄉居人井側今在上元縣

陳景陽宮井闌刻銘一隋開皇中八分書或云煬帝所作一唐開元中江寧丞王震

八分書一太和篆書

攝山棲霞寺碑文并銘江總持撰京兆韋霈書今重刻存

大莊嚴寺碑梁江總撰見楚利志 顏魯公放生池碑

顏氏大宗碑

顏府君碑 二碑顏真卿書在上元金陵溇乾道中移入府學其碑座尚存故地猶名顏碑衝

唐明徵君碑 高宗御製高正臣書王知敬篆額今存

莊嚴寺僧旻法師碑 梁元帝作 草堂寺約法師碑 梁王筠作

蔣莊武帝廟碑 徐鉉文

方山上定林寺碑 元虞集文

李太白讚寶公畫像 吳道子畫李太白贊顏真卿書趙子昂又書十二時歌

福興寺碑 尚書許某文張從中書

南唐五龍堂老子像記 徐錯文在石城

南唐祈澤寺斷碑 明盛時泰得之今砌佛殿後壁間又有宋劉次莊所撰仁壽縣君墓

上元縣志 卷末 撰佚 三

志

李順公碑 高越書在西門外石子岡下

南唐追封慶王碑 在城南婁湖橋韓熙載文徐鉉篆額

德慶堂題榜 李後主書宋僧曇月刻石在清涼寺

寶華宮碑 南唐行書入品方山

宋仁宗飛白書 乾道八年留守洪遵刻之華藏寺

高宗孝經 見謙之刻石郡學

祈澤寺宋紹興祈雨碑 在祈澤祠壁間

明道先生祠記三 宋朱熹游九言真德秀文馬光祖跋

忠襄陽公祠堂記 宋魏了翁作 八功德水記 宋梅摯作

本業寺記

南唐僧契撫作
東山任德筠書

定林寺記

朱舜庸
秦鑄書

道光泉記

王安
國作

王介甫平甫此君亭竹詩

在今府學中
石已斷碎

蘇子瞻書送王勝之漁家傲詞

在白
鷺亭

金陵雜咏

黃履詩溧水尉周
沔書刻江寧府志

子隱堂記

梅摯
作

東冶亭記

梅摯
作

高齋記

胡宿
作

二水亭記

史正
志作

開善寺修誌公堂石柱記

唐李顧
行作

義井記

李迪
作

太平興國寺碑

元虞
集作

崇禧萬壽寺碑

元趙世
延作

龍翔集慶寺碑

虞集
作

上元縣志

卷末

據佚

三

宋修昇州文宣文廟記

江濱王文
在府學

攝山棲霞寺碑

陳韋霈書
在西廡下

貴池劉廷鑾與父伯宗先生子博雅士也嘗著有金

陵間墓詩十餘首每首各有一小序辨証其墓之

所在其序齊海陵王墓云沈存中慶歷時在金陵

有甕人以一方石鎮肉視之若有鐫刻試取石洗

濯乃宋海陵王墓銘謝眺撰并書案史宋海陵王

劉休茂拜雍州刺史以反誅卽葬襄陽墓安得在

金陵其銘有日時惟介弟景祚云及又曰敬順天

人高遜明德其爲齊廢帝海陵恭王昭文無疑存

中蓋未深考梅禹金齊文紀相因弗改及鑿觀藝文類聚載其銘辭金陵世紀錄其陵墓皆以爲宋審矣夫明帝鸞弒鬱林葬以王禮殞海陵葬以天子禮必有命眇銘墓之事眇身事隆昌又爲新安王中軍記室又與沈約同受知明帝所爲銘辭固宜危而顯典而弗傷也鸞以葬文其慙眇以遜掩其墓豈可欺天下後世然天下後世之爲鸞與眇者猶尚修舊君之禮若是乎鬱林亦眇作銘而海陵刻石猶散見人間卒無知其墓所在者幸此銘存耳銘存而石不返石不返則墓益無稽矣眇以

上元縣志

卷末

揀佚

三

誣死獄中自恐其名不見於史悲夫

梅岡晉太傅謝安石墓碑有石而無其辭人呼爲無字碑前以安功德難爲稱述故立曰碑程史言牧牛亭秦氏之丘隴在焉有移忠旌忠二寺相去五里檜墓 隧碑宸奎在焉有其額而無辭卧一石草間曰當時將以求文而莫之肯爲今已矣按此則金陵有二無字碑

太平門北中山王墓之左有內使雲奇墓奇南海人洪武初以內使守西華門去胡惟庸居第甚邇庸謀逆詭稱所居井湧醴泉邀上幸而伏甲以待奇

偵得之走當蹕道衝上馬言狀氣鬱舌鳩不能宣
上恚甚左右搥箠亂下奇臂折猶奮指逆臣第上
悟登西皇城樓瞰逆臣第中皆伏甲因亟發禁兵
捕之而後召奇則死矣詔贈內官監少監賜葬祭
嘉靖中守備高隆王萱等復請于朝特贈司禮監
太監加諭祭少司空何孟春爲文紀于墓

明恢金陵人博物強記善篆臧否人物坐法失官十
餘年潦倒貧困赴選集于京師是時韓魏公當國
恢獻詩自達有聯云建業關山千里遠長安風雪
一人寒魏公深憐之令篆太學石經因得復官任

上元縣志

卷末

據佚

三

華州推官而卒篆石經是一大典故而前記多不
書

舊南雍所藏官書鋏板最多嘉靖中學正梅鶯曾編
彙書目一卷除廿一史十三經外尚多秘本隆萬
以降曲守無人板多缺略鼎革以來國子監廢將
所有存板送入縣學尊經閣中視向日目中所存
今恐無百一矣惟廿一史近經修補然較讐不精
脫簡重篇不一而足此外如鄭樵通志王應麟玉
海諸書字內并無刻本今板本雖復不全然因其
舊而補之使作者苦心不至泯沒亦作與文教者

之責也此外他書尚多今不知存否姑列南雍舊目以為好古者訪求之據其當日板不存者不錄

十三經註疏 二十一史順治十八年重修 復齋易說六卷

宋彥肅周易本說六卷元齊履謙書傳會選六卷 尚書

表註二卷元金履祥讀書叢說六卷元許謙春秋諸國統

紀六卷元齊履謙春秋綱領一卷 春秋本義三十卷

三傳辯疑二十卷 春秋或問十卷俱元程端學儀

禮經傳通解二十三卷 續通解二十九卷 儀

禮集說十七卷元敖繼公六經正誤六卷宋毛居正論語集

註考証二十卷元金履祥學庸叢說二卷元許謙孟子節

上元縣志 卷末據供 三

文二卷 四書集編十卷真西山資治通鑑 通鑑

紀事本末四十二卷 通鑑前編十八卷 子由

古史六十卷萬歷末黃監丞居中校刊西漢會要七十卷 東

漢會要四十卷宋徐天麟蜀漢本末三卷元趙居信諸史會

編一百十二卷嘉定金謙集註太元經十二卷胡次近

思錄十四卷 論衡三十卷 女教四卷元許熙載樂

府詩集一百卷 朱子大全集一百卷 宋文鑑

一百五十卷 文章正宗二十四卷 元文類七

十卷 順齋集二十六卷元蒲道源羅圭峰集二十卷

懷麓堂集一百二十卷 陽明文錄八卷 戴

石屏詩集十卷 白沙詩教 杜氏通典 通志

畧二百卷 板一萬三千七百二十四面宋鄭樵 文獻通考 禮書 宋陳

祥樂書 宋陳 玉海二百四卷 宋王 宋名臣奏議一

百五十卷 西山讀書記六十卷 說文十五卷

韻府羣玉 廣韻 書學正韻二十卷 六書

統二十卷 楊恒 困學紀聞二十卷 王應麟 伯顏平宋錄

二卷 元學士 景定建康志五十卷 存者七百九十五面宋周應合

金陵新志十五卷 字彙 何大復集 戴剡源

集

留都舊日六部刻書亦多如東坡易解歐陽公毛詩

上元縣志 卷末 據佚 三

本義呂成公讀詩記楊慈湖易傳吳澄易纂言宋

人六經圖之類為先儒流通經學有益後人徐公

必達為吏部郎時刻周張二程及邵子全書今藏

板皆不不問矣

顧文莊曰地方文獻士大夫宜留意搜訪至前代圖

籍尤當甄錄即斷編殘簡亦當以殘珪碎璧視之

金陵古稱都輦乃自國朝以上紀載何寥寥也僅

有金陵新志一書南雍舊板尚在然訛闕過半亦

復無他本可備校補者景定建康志禮部舊有藏

本司馬西虹留得此書後歸焦太史家亦不復可

見今取往記有關金陵者輒紀載其名爲搜訪之地如齊山謙之丹陽記陶季直京都記元廣之金陵地記唐許嵩建康實錄六朝宮苑記宋沈立金陵記史正志乾道建康志吳琚慶元建康志溪園先生周應合景定志元戚光集慶續志奉元路學古書院山長張鉉金陵新志又宋張敦頤六朝事蹟吳彥夔六朝事類別集王謬六朝進取事類張參江左記葉石林上元古跡洪遵金陵圖朱舜庸建康事十卷又不知作者姓名江乘記丹陽尹錄苑城記金陵六朝記秣陵記建康宮闕簿金陵故

上元縣志

卷末

據佚

三

事宋江寧府圖經又續攷得一種周處風土記三卷梁元帝丹陽尹傳十卷應詹江南故事三卷徐鉉等吳錄二十卷不知名南唐書十五卷不知名江南志二十卷十五卷者疑是陸務觀書王顯南唐烈祖開基志一卷徐鉉湯悅江南錄十卷陳彭年江南別錄四卷龍衮江南野史二十卷不知名江南餘載二卷錢惟演金陵遺事三卷不知名金陵叛盟記十卷王豹金陵樞要一卷曾洵句曲山記七卷張情茅山記一卷不知名茅山新記一卷張隱龍三茅山記一卷恐卽張情朱存金陵覽古詩二卷袁陟金陵

訪古詩一卷吳操蔣子文傳一卷不知名南朝宮苑記一卷元劉大彬茅山志三十三卷其鄭文寶南唐近事江表志近已有板行者

建康六朝故都葉石林少蘊居留日嘗命諸邑官能文者搜訪古跡製圖經時石橋林敏若子邁主上元簿考最詳多以荆公詩引證號上元古跡宋周輝嘗得其書史志道修建康志多取裁于此

陳魯南應京兆白公聘修志東橋先生與之書曰嚴惟中袁州府志都元敬黃山圖經李懋卿東莞志邵國賢許州志各自起意例須取參訂璘收有長

上元縣志

卷末

據佚

三

安舊志一本惜不得到家檢奉子仁收天下志甚多想不乏此作志不難正唯發凡起例爲難耳又本府若上元之明道書院溧陽之水堰皆厚生正德大事須檢尋遺蹟就請白公興復蓋百五六十一年方遇明公一舉若又空言無施不復實惠賢者難遇幸勿失此機會也又稅糧後當具供億一查內府及諸司供億近年與國初多寡之目庶仁者有憫惻之意此不爲徒作也

前輩著述多湮滅不恒遘見謹識其名以待搜訪

張閣老益

文僖公集

倪文僖謙 玉堂稿 上谷稿 歸田稿

倪文毅岳 清溪漫稿

童尚書軒 清風亭稿 枕肱集 海岳涓埃

劉尚書麟 清惠公集 籌邊錄 夢徵

顧尚書璘 國寶新編 息園集 顧氏七記 登衡小集

記

王尚書敞 王氏家乘 周襄敏金 上谷稿 榆陽稿

梁尚書材 端肅公奏議 景司業暘 前溪集

余祭酒孟麟 余學士集

焦太史竑 養正圖解 老莊翼 澹園先生全集 國史經籍志

上元縣志 卷末 振佚 美

朱太史之蕃 奉使朝選集 落花詩 南

王太僕韋 南原集 黃驗封甲 鳳巖山房全集

陳太僕沂 遂初齋集 拘墟館集 翰林志 誨似

疾錄 金陵圖攷 善謔錄 畜德錄 維楨錄 存

李儀部逢暘 楊太學希淳 李楊二子遺稿

余侍御光 古峰集 兩京賦

顧文莊起元 說略 遜園集 嫩真堂集 雪堂隨

顧氏小史

許太常穀 二臺稿 外臺稿 武林

司馬憲副秦 皇明文獻類編 視履百錄 古今類

郭英華 和次錄 南都野記 南都

謝布政少南 南河坦稿 粵臺稿 論台

王叅議徽 辣齋稿 引笑集 史疑

陳學憲欽 自菴集 海 顧副使瓌 寒松齋稿 金陵人物志

李副使熙 尚友集 欽虹遺稿 伊僉憲乘 味淡集

張侍郎志淳 南園漫錄 王襄敏以旂 漕河撮稿 督府奏議

沈御史越 春秋分國便覽 春秋經傳集解 籓鎮韓降 宋史

傳

陳京兆時伸 百篇 羅太守鳳 延體堂漫錄

賈戶部必選 金剛解 春秋纂註 松蔭堂

上元縣志 卷末 撰佚 堯

陳大理舜仁 樗亭集 倪給諫嘉慶 計樞草 銓諫草 棘遯草

丁太守鏞 石崖集 棲霞語錄 青原語錄

王太守可大 三山彙編 國憲 白雲稿

王吏部鑾 西治遺稿 徐叅政琦 石林稿

張秀才藩 渡江集 蘇田 朱僉憲潤身 海峯遺稿

金太守賢 春秋紀愚 或問 蘇田 朱僉憲潤身 海峯遺稿

鄭太守宣化 三華館集 瞻紫堂 灌月亭漫稿

卜長史鏜 三華館稿

黃監丞居中 千頃齋初集 次集 三集 文廟 禮樂志 明文徵 論世錄

何太僕棟如 攝園稿 出山疏

殷同知康 稿 雲樓 初續商音 高知州遠 稿 飲虹

劉尚寶旋 四書標解 迎曦閣社草 向州守巽 稿 二淮

管檢校景 西浦稿 李知府昊 坦拙稿 謫居集

張太守文暉 應閒齋詩集 霞起閣文集

黃長史琮 宗說 求志稿 行義稿 楚征日錄 青

續課 乞養堂稿 東歸稿

梅明府純 損齋稿 續百川學海

陳明府芹 稿 野集 鳳全堂 周明府元 長卿

姚明府履旋 湖海遊紀 李明府登 冶城真寓稿

上元縣志 卷末 摭佚 罕

倪明府民悅 江上編 李經歷曉 賓柳堂稿

唐長史時 頰伽音 馭乘 張徵君一儒 張徵君集

孫明府自修 與然堂

陶進士元素 萬竹山房稿 史雋 華山雜著 松雲集

李臨淮言恭 貝葉齋稿 游燕稿 青蓮

湯叅將胤勛 東谷集

張莊節可大 駿雲齋詩集 北海遊紀 壯遊發 白下初集 二集 牟子集 駛雪齋

文集

吳進士瑄 石居遺稿 董學博宣 青田雜錄

陳揮使鐸 雪秀亭稿 秋碧 張揮使維 青藜閣稿

歐陽通判廩集逸園

丁訓導璽希山

羅主簿燾集淵泉

金訓導丹赤侯

周監正相書歷法

焦舉人周說焦氏

金孝廉大車子有

金文學大輿子坤

沈文學乾陽金庭

子開雲著雲岫集延清室稿

盛貢士時泰大城山全集元續記游燕雜記

王太學元貞孟起

劉學博仕義錄新知

黃太學祖儒藝覺

黃教授應登謝山文草謝山暇錄偶然語

孫太學起都亭詩

徐王孫諒居雲

上元縣志卷末 據佚

聖

張孝廉翊元名臣言行錄

沈封君琪雪崖

盛太學敏耕軒軒居集

崔文學士元拘虛集

黃文學成儒齋競辰稿

黃文學復儒挹秀閣稿

方山人登軒稿

宋夢駿育齋子稿

李文學佳竹浪齋稿

葛文學如龍竹護齋稿

王隱君可立詩集小程史引建業風俗記

陳文學弘世詩集孫文學謀長嘯

李臨淮宗城汝藩稿王指揮元坤雅娛閣稿

齊王孫慶槩籀冠稿徐王孫邦寧習靜齋稿

顧居士源 玉露堂稿

蔣山人主忠 慎齋稿 金陵紀勝 詩法鈞位

蔣山人主孝 務本齋詩 樵林摘稿 賀友菊確 友菊詩集

王公濬 嘉遁子集 徐公遠 居學齋集

金公振 竹溪集 金山人鸞 徒倚軒稿 蕭爽閣詞稿

杜山人天成 晞真集 許山人陸 嘉會齋

史廷直忠 金元玉琮 江南二隱稿 北行稿 皖湘錄

徐山人霖 端居咏 遠遊紀 麗藻堂文集 快園詩文

類 中原音韻注 續書史會要 玉山人希阜 北山詩

謝山人承舉 采毫錄 東村稿 西遊稿 湘中漫錄 在客稿

上元縣志 卷末 摭佚 聖

吳山人擴 長吟閣稿 景山人霽 登涉紀吟 避暑吟

張子明正蒙 蓬蒿集 胡山人宗仁 知載齋集

馬山人電 入蜀稿 陳山人元胤 霞舉集 豆花園草

王雲池杞 越臺小稿 沈鳳岡朝陽 薄遊答 贈稿

李惺菴向陽 樵居集 謝天聘 竅蚓集

王孝廉亦臨 虎鼠菴稿 紀竹遠青 樵冠集

張揮使翹 週文詩 艾子魏容 微塵閣集

龍克温瑄 燕居集 泥鴻集 楊文學一洲 東中集 東中餘集

常照磨信 同文集 撫遊集 程孺文漢 柵堂集

李僉事旻 容菴稿

丁太守明登

淑清錄 陰德登科錄

丁貢士雄飛

書鏡漫筆五十卷 醫方集宜 蓉灣雜著

姚僉戶福

風樹亭稿 青谿暇筆二十卷

王別駕

天邊別 駕夢談

邵貢士之楨

臥石齋集

汪鍾英侯

潭生 擬言

徐文學開呂

起潛詩草

于文學徵有生

柿葉菴稿 孤山遊草

崔季韞祭

秋潭集

何文學如充開遠

東晉人物略 清涼山草

傅太學汝舟

唾心集

馮化之化

香醉集

徐王孫時雨

一榻軒稿

王壽父萬齡

詩物

張太學文峙

編年稿 罄集

落葉哀蟬集 選宋元詩十卷

願不願集 明布衣詩三

上元縣志

卷末

墨

卷十

張太學可度

鴻雪草 罽道人詩集 墨莊

陳博士文忠

詩文彙稿

陳訓導嘉謀

夢醒紀臆 北海集

馮閬風嘯

香烟集 梅花

陳石亭夫人馬氏

芷居集

倪文毅夫人盧氏

有詩一卷

僧來復字見心

蒲室集

張羽王妾周潔

雲巢集

元澣字樸隱

樸園集

守仁字一初

夢觀集

梵琦字曇耀

北遊鳳山 西齋三稿

大同字一雲

天柱稿

溥洽字南洲

雨軒集

宗泐字季潭

全室集

慶文

香林集

覺澄字古溪

雨樺集

唯識

唯菴集

慈露字心田

雲隱集

弘恩字三懷

雪浪集

清遠渭禪師

外集

欽義字湛懷

焚餘草

寬悅字臞霍

堯山草

如愚字蘊樸

飲河稿石頭菴稿

德清字愍山

夢遊集

法通字從寬

談品餘籤

南都前輩多藏書之富者司馬侍御泰羅太守鳳胡

太史汝嘉尤號充棟其後人不能守遂多散逸司

馬家書目尤多秘牒有東坡先生論語解鈔本四

卷其家數有鬱攸之變此書亡矣胡氏牙籤錦軸

最為珍異而子孫式微彫落市肆尤為人所惋惜

嗣是沈生子予天啓焦漪園竝收藏亦多近皆散失

上元縣志

卷末

據佚

罟

士夫家集書多者今稱黃海鶴雍丞之子虞集錢

牧齋宗伯常為撰千頃齋藏書記

後主造澄心堂紙甚為貴重宋初紙猶有存者歐公

曾以二軸贈梅聖俞梅以詩謝曰江南李氏有國

日百金不許市一枚當時國破何所有帑藏空竭

生莓苔但存圖書及此紙棄置大屋墻角堆幅狹

不堪作詔命聊備粗使供鸞臺相傳淳化閣帖皆

此紙所榻歐公五代史亦用此屬草

王介甫投老金陵依鍾山下居後復捨宅為寺所題

絕句關金陵山水者往往多遠情幽景摘而錄之

如日南蕩東陂水漸多陌頭車馬斷經過鍾山衣
放朝雲散奈此黃梅細雨何 誰將石黛染春潮
復撚黃金作柳條西崦東溝從此好筍輿追我莫
辭遙 雪乾雲淨見遙岑南陌芳菲復可尋換得
千顰爲一笑春風吹柳萬條金 南浦東岡二月
時物華撩我未參差含風鳴綠鄰鄰碧弄日鵝黃
裊裊垂 竹裏編茆倚石根竹莖疎處見前村閒
眠盡日無人到自有春風爲掃門 春風過柳綠
如縑晴日蒸紅出小桃池暖水香魚出處一環清
浪湧亭臯 木末北山雲冉冉草根南澗水泠泠

上元縣志

卷末

據佚

墨

縑成白雪桑重綠割盡黃稻正青 石梁茅屋雲
有彎碕流水濺濺度雨陂晴暖風生麥氣日綠陰
幽草勝花時 菴雲作頂峭無鄰衣月爲衿靜稱
身木落岡巒因自獻水歸洲渚得橫陳 稻畦藏
水綠秧齊松鬣初乾尚有泥縱蹇尋岡歸獨卧東
菴殘夢午時雞 荷葉初開筍漸抽東陂南蕩正
堪游無端隴上脩脩麥橫起寒風占作秋 北山
輸綠漲橫陂直塹回塘濼濼時細數落花因坐久
緩尋芳草得歸遲 野水縱橫漱屋徐午窻殘夢
鳥相呼春風日日吹香草山北山南路欲無小雨

輕風落棟花細紅如雪點平沙
檣籬竹屋江村路
時見宜城賣酒家
青青千里亂春袍
宿雨催紅
出小桃迴首北山無限思
日酣川淨野雲高

東坡先生在金陵爲詩凡十有五篇
小子邈病亡于金陵作二詩哭之
又次荆公韻四絕句又同王勝之游蔣山
又次葉致遠韻時致遠正從介甫于金陵
又次裴維甫韻裴時解石于秣陵
又次段縫韻縫家居金陵者也
又紹聖元年至金陵得鍾山泉公書寄詩爲謝并贈和老詩
又建中靖國元年公還自海南至金陵
又次韻清涼老詩又題長短句
上元縣志

卷末

據佚

吳

于賞心亭又著觀音頌于崇因寺

元末馬琬字文璧秦淮人自少有志節
詩工古歌行尤工諸畫皆其天姿之所出也
其竹枝詞曰湖頭女兒兒二十多
春山兩點明秋波自從湖上送郎去
至今不唱江南歌頗見婉麗此亦金陵詞人之一也
惜它作不多得錢虞山曰琬學春秋于楊鐵厓
洪武初爲撫州知府

杜旗字伯高賦石頭城醉江月云江山如此是天開
萬古東南王氣一自髯孫橫短策坐使英雄鵲起
玉樹聲消金蓮影散多少傷心事千年遼鶴并疑

城郭非是 當日萬駟雲屯潮生潮落處石頭孤
峙人笑褚淵今齒冷只有哀公不死斜日荒烟神
州何在欲墮新亭淚元龍老矣世間何限餘子
周晉仙名文璞宋淳熙間人長于詩歌終身不仕
節使吳琚遊青溪有詞岸柳可藏雅路轉溪斜忘機
鷗鷺滿汀沙咫尺鍾山迷望眼一片雲遮 臨水
整烏紗鬢影蒼華酒闌却念在天涯幾日不來春
便晚開盡桃花

弇州明詩評于孫左司炎曰左司俠氣驚發辨詞虹
矯彊字之寄援分以沒所作歌詩存者十不一二

上元縣志

卷末

據佚

畢

然頗跌宕雄逸青鳳吉光之裘片語千金藏龍如
意之珠一照累乘奚啻多哉湯叅將徹勸曰徹勸

雄才蓋世與劉生

御醫溥
字原清

雁行氣所壓正由小巫

見大巫耳王太僕韋云太僕宛曲穠新頗類温李
風人之致可指而言若乃妙舞霓裳逸主猶憎其
肉靚粗妖輩見人更羞舉止斯爲所短頗號難藥
劉司空麟曰司空朗爽登朝榮躋入座急流勇退
用諧素心烟霞之癖更多泉石之身難老其詩如
癡女兒能織宛央謂未藝絕更繡鳳凰并無此鳥
可發一笑顧尚書璘曰尚書器並瑚璉材懸綺綉

束髮班行遂屈羣公之左珥管江表首馳三傑之
目如春園盡花靡邁錯雜又如過雨殘荷雖復衰
落尚有微情此弁州初評也其後評又曰湯公讓
如淮陽少年斗健作噉人狀王欽佩如小女兒帶
花學作軟麗顧華玉如春園盡花苞靡不少劉元
瑞如閩人強作齊語多不辨陳羽伯如東市倡慕
青樓價微傳粉澤強工頻笑語涉太奇噫千載而
下其當自有定論

顧文莊評近代詩人云周吉甫暉博物洽聞恢奇奧
雅詩句之美冠絕當時黃伯子祖儒才藻益發世

上元縣志

卷末

據佚

哭

擅調龍所著藝覺稿出入古今故非恒士黃徵甫
應登古文辭詩賦流奕清舉編有謝山暇錄辨難
考據尤爲博雅顧孝直端祥賦稟英多矢口而成
籠蓋人上分其才藝足了數人姚允吉履旋詩文
典則可誦可傳與弟允初觀察有金友玉昆之目
黃叔道復儒雕文琢章鏗鏘有韻追踪家學志氣
罕倫爲貧所羈不副其意張彥先一儒博洽英雋
詩古文取法漢魏六朝鬱然古色非復時流傳遠
度汝舟奇思灑氣高出一世所行七幅庵集唾心
集步天集總之皆不經人道語真是奇人孫幼如

起都少而稱詩長習經義雅麗弘肆鑠古切今極
才人之致孫燕詒謀稱詩南國多四方之遊所行
詩草申文定序之推許甚至李象先佺雅意標舉
所著詩集余嘗爲之序頗極推挽而君心似不肯
予言知其志大宇宙也此皆垂纓戴縱青青子衿
以其餘力肆力于茲具足千秋可名一代予皆得
時與往還間伸唱和其他于將莫邪馬牛相望汗
血之駒踔跋欲騁者尚多不能悉述金陵號多材
豈不盛哉

又云張子明正蒙詩法盛唐饒王孟韓柳之趣胡彭

上元縣志

卷末

據佚

晃

舉宗仁詩奇峭多新致周吉甫稱其句中有畫類
王右丞葉循甫遵家本素封而好韻事所居水石
花木皆有佳致詩與柳陳甫陳延之輩相唱和翩
翩道上且學多所通焦弱侯先生升菴外集校讐
編次皆循甫筆也歐陽惟禮名序以太學生官府
幕投紱歸惟禮兄弟多翰墨交所自運清拔有韻
又善書法頗有銀鈎蠶尾之意信是白眉

司馬西虹三餘雅會錄後叙云吾鄉雖稱都下去輦
轂遠宦此者率事簡多暇得遂觴咏之樂天順中
翰林學士吉水石溪周公叙始結詩社擇吾鄉能

詩士人若賀公確王公麟羽流邵以誠凡十人與
游題曰南都吟社成化間翰林學士西蜀實齋周
公弘謨繼之復與士人沈公庠任公彥常金公冕
十二人游題曰清恬雅會正德初戶部侍郎海陵
柴墟儲公燿復繼之乃與揮使劉公黠士人施公
懋謝公承舉凡十人游題曰秣陵吟社自柴墟去
後此會遂廢前輩風流不可復見予歸田來二稔
咸寧盧書菴紳來爲大司徒而西平王崇谿誥亞
焉通州馬石渚紳來爲大司空而餘姚楊東橋大
章亞焉四公德器無媿石溪諸公而同年之情殆
若過之未朞而爲會者七人各四會俱有唱和得
詩四十八首彙爲一編題曰三餘雅會錄觀斯編
者其聞風興起踵石溪諸公之跡而復南都之勝
事乎

上元縣志

卷末

據佚

辛

王欽佩嘗論詩云唐詩自成一格不與雅頌同趣漢
魏降于雅頌唐體沿于國風雅言多盡風體則微
今以雅文爲近詩未嘗不流于宋也未第時夢中
聞句云起來少步傍閒措花霧襲衣寒氣重乙丑
閣試春陰詩遂入此聯李長沙批云二語如有神
助儲靜夫讀其詩至珠樓十二盡沉沉畫棟泥融

燕初乳擊節日絕似温李陸子淵笑曰本是王韋
時謂善謔

王韋字欽晦韋之族弟商於汴京遂與空同先生善
空同有送王韋一絕云王郎口談金虎文自稱師
是柴陽君挂帆明日忽南去影落龍江五色雲今
載集中

盛仲交游祈澤寺從佛龕中得做紙上書一詩云研
池滿座落花香墨透織毫染漢章靜卧衲衣雲似
水高懸紙帳月如霜杯浮野渡魚龍遠錫振空山
虎豹藏幸對爐烟坐終日煮茶清話得倘伴友人

上元縣志

卷末

據佚

五

褚偁呈雪庭法師座前清覽洪武辛亥暮春書于
清隱小軒偁字本中不知是金陵何許人也

陳羽伯評青溪四子詩云高汝州近思雄壯奇拔馬
國學子道博雅典則金文學子坤清新秀朗金孝
廉子有則兼總諸長詞義雙美

上元諸舊扁額 清涼廣慧寺德慶堂榜南唐後主
撮襟書 攝山妙因寺額南唐徐鉉書 幕山樓
臺榜闕蔚宗書 王荆公定林昭文齋米芾書

鍾山第一山亭額米芾書 棲霞寺扁宋仁宗賜
額 府學泮宮字朱文公書 景定清化諸齋榜

皆馬光祖書 博雅堂扁宋張卽之書 多福寺

額元趙孟頫書 寧壽 扁趙松雲書 余村玉

皇觀松菴二隸字大德間狀元王龍澤書 明初

宮殿諸榜詹希源正書 何元朗叢說云朱孔暘書 府部列寺諸

牌坊皆詹希源書 太學明倫堂榜詹希源書

朱孔暘正書 許奉常家會元坊徐霖書 詒

穀堂扁金琮書 顧東橋息園中載酒亭扁元俞

和紫芝書 永慶寺松隱堂扁李登鍾鼎書

舊內後堂扁曰忠實不欺之堂字畫清勁奇古疑為

朱文公書及攷金陵志乃是宋理宗書賜郡守馬

上元縣志 卷末 撫佚 三

光祖者至元二年重建正廳仍用忠實不欺舊扁

張起巖作記

露書云天下學宮皆書明倫堂獨應天府學書明德

堂云文天祥手書存其跡

盧公玉田取選時夢中得句云水國微茫路不分紅

香引入白雲深後官南戶部過湖恍如夢中句因

續云仙洲恍覺非人世民部無論有翰林日永放

衙看鶴舞雨餘憑檻聽龍吟平生剩有烟霞癖宦

海何當慰此心

張可久字仲侯太傅莊節公弟襲職南羽林衛指揮

可久不樂就惟導引服食之術金丹內外之旨喜與方外之徒遊不累一日糧卽千里未見匱乏嘗游華山頂遇老翁坐岩穴中教以透逗漏三字次早迹之虛無人焉卒之前五日猶作攝山遊歸而示疾易簀時猶手握丹經不釋時猶子瑤星服官燕邸見可久至縱談而去衣冠言笑不異平時後聞家訃始知是日卽可久沒之日也得之白雲家乘中

張白雲先生節義文章寰區推慕明崇正十七年闖賊陷燕京逼怡降怡不屈因好謂之曰聞善文章

上元縣志

卷末

據佚

至

怡曰武人不善文章又曰聞善弓馬怡曰南人不習弓馬更誘以美官怡大罵賊械置復壁乘間歸來後復遯迹攝山白雲峯足不下山者垂五十餘年當事高其節造廬訪之非閉戶謝卽踰垣走惟日事著述以終老書目俱載通誌其三禮合纂一書乾隆二年開纂三禮館禮館總裁購取怡三禮到館採擇其他若史學諸書怡之孫敬思遵怡命藏之名山不敢廢墜不輕示人怡年八十八歲沒之日友人遺以美木怡語孫敬思曰先皇帝柳棺三寸先將軍藁殮孤城惟裸葬我于攝山之巔且

使我魂魄得長依先莊節公賜祠之側更囑孫敬
思慎勿樹石墓前以增吾愧亟易美木怡乃卒卒
後數十餘年方望溪過攝山勒石以表其墓先是
司農櫟園周公郡伯大亨陳公捐俸重修祠墓祠
墓在棲霞寺白雲菴係前齊明徵君僧紹捨宅為
寺故址屢為土人違禁鑿石所傷暨肘鄰優曇菴
孽僧叠佔祠墓基址怡曾孫郡庠必達屢請禁戢
鑿石佔基以保祠墓都人士稱怡有孫焉

附白雲書目

讀易私鈔二十卷 尚書策取十五卷 四傳會通

十六卷

三禮合纂二十八卷 大學古本鈔

二卷

中庸通一解二卷 史學二十四卷

上元縣志

卷末

晉

歷代文鈔七十二卷 續鈔八卷 王光劍氣

集三十四卷 雲乳銷夏集三十八卷 蠡約

四十八卷 金陵私乘八卷 攝山志略六卷

周流天壤集十二卷 養生主十六卷 志林

二卷 蟲天避暑日鈔八卷 武關經史滙八

卷 上律編四卷 西窗夜雨錄四卷 徽菴

讀詩鈔二卷 張氏一家言

八卷 濯足菴文集十六卷

李後主留意筆札所用澄心堂紙李廷珪墨龍尾硯

三物為天下之冠

澄心堂即今內橋中兵馬司遺址乃徐知誥為昇州節度時府

也

江南李昇問道士玉棲霞何道可致太平棲霞對曰
先治心治身乃治國家今陛下尚未能去飢嗔飽
喜何論太平宋后自簾中稱歎以為至言

蘇峻反祈鍾山神許盡朱鬣紫蹄馬碧蓋先命車後
郗鑒入援亦祈鍾山山神謂鑒曰蘇峻爲逆人神
所憤當與蔣子文共誅鋤之峻亦祈我豈可助之
爲虐今以一疏相示及案收而疏見

世上童謠相傳熒惑星化爲小兒授之庚午辛未間
秣陵小兒突有三年活兩歲之語無端喧傳者十
餘載至甲申乙酉兩歲改革之兆已定于十餘載
之前豈偶然哉

晉元帝渡江隨帝有王離妻李氏者洛陽人將洛陽
舊火南渡自言受道於祖母王氏傳此火并有遺

上元縣志

卷末

據佚

壘

書二十七卷火色甚赤異於餘火四方病者將此
火煮藥及炙諸病皆愈轉相妖惑官司禁不能止
及李氏卒火亦經時而滅人號其所居爲聖火巷
在今縣東南三里禪衆寺直南出御街齊武帝末
年謠言云赤火南流喪南國帝憂之是歲果有沙
門從北來齋此火至火色赤于常火而微云可治
疾貴賤爭取之先齋戒 火炙桃板七炷而疾愈
吳興丘國賓竊還鄉邑邑人楊道慶虛疾二十年
形容骨立依法炙板一炷卽痊是月武帝崩

金陵書品

杜太常環字叔循宋景濂稱其正書入

能品 陳中復工楷書 陳孟顛工楷書 朱孔陽
陽洪武中以楷書名榜書更妙 朱銓字士選廼
孔陽弟太宗文皇帝選寫金經最眷注是 顧謙
以楷書薦舉官主事 蔣主孝工小楷 翟太常
瑛字延光作字運筆如飛結體流麗可愛 李太
僕應禎善楷書成化時有旨命寫佛經上疏言臣
聞天下國家有九經未聞佛經楊君謙外集中載
應禎全疏 枕肱童士昂楷書遒勁有法 辣齊
王尚文小楷工 馬郎中璫字公信法趙孟頫
紫芝黃謙字撫之行草遒勁古雅而榜書更妙

上元縣志

卷末

據佚

美

景前溪伯時初工真行後師周伯琦小篆頗得風
骨 南原王欽佩真草清雅有法東橋顧華玉真
草皆清徹可愛 劉南坦元瑞法羲獻片紙隻字
人得之爲至寶 顧英玉真草皆有晉人風味
徐子仁九歲作大書操筆成體正書出入歐顏大
書初法朱晦翁幾亂其真後喜趙松雪筆力遒勁
布構端飭成一家書至於篆字得法于異客更造
閩奧西涯李相國白巖喬太宰時號篆聖見則吐
舌下之以爲不及 周約菴子庚有王右軍風骨
王吉山子新學聖教序最擅書名但恨其過于困

熟耳 山農金元玉初法趙子昂晚年學張伯雨
精工可愛落筆人便持去元玉家有極高明樓每
夜學書燃燭一枝月燃三十枝寒暑無間 石亭
陳魯南法蘇眉山評者謂不減吳琬菴篆隸亦佳
玉泉陳羽伯行書筆筆晉人 馬南江呈道嘉靖
二年貢士四 俱上極有書學 邢太常一鳳字
伯羽嘉靖辛丑進士及第工篆書 顧寶幢清父
法孫過庭筆力遒勁 馬鷺汀誠望刻意聖教序
最佳 橫崖陳子野法鍾王俊逸可愛 秋宇胡
懋禮得意之筆酷似祝枝山 雲浦盛仲交小楷

上元縣志

卷末

據佚

毛

法倪元鎮行書出入于蘇米兩家古拙中有拔之
韻隸字更優有元牘記一冊品題古今名帖 姚
秋澗元白行書出入于黃山谷趙松雪兩派而得
于趙者爲多 許石城仲貽工行書 楊虛遊道
南真草自成一家 金慕楨名魚乃赤松山農家
學筆力稍軟 謝髯九子象出于蘇黃兩家筆力
清硬 金蓉峰名元初字元子行書有法有趣
何太吳仲雅工行書以上見金陵瑣事而顧文莊
云瑣事 金陵書法亦有遺者國初劉中翰理子
素孫良三世能書皆官中書舍人 俞公綱上元

人以生員善書官至南禮部侍郎 羅叅議麟明
敏善書 劉千戶蒼能爲趙松雪書 沈休齋鍾
書邁勁盈尺徑壁無傾邪 朱叅議貞幼工楷法
晚變爲行益妙 陳自菴欽字工人多珍愛之
黃珍書學徐九峰能亂真 陳別駕鋼號遲宜子
書法褚河南所摹蘭亭奕奕有致又嘗書小詩于
牡丹花玉蘭花瓣子太史沂手裝而爲冊至今存
王太守大行書法趙松雪大數寸者尤佳余有所
書陶詩一幅風神道勁上逼古人今世不多見也
朱太守音行書師鐵門限圓媚流麗翩翩動人

上元縣志

卷末

據佚

矣

李明府登行書學聖教序結構不失小篆學嶧山
碑于鍾鼎文尤妙說者以爲豐南禹之後一人
又云金陵士大夫多留意墨池者焦弱侯先生真行
結法眉山散朗多姿而古貌古骨有長劍倚天孤
峰刺日之象 卜中立行書師章草簡勁無媚骨
望之肅然類其爲人 朱元介真行師趙魏公間
出入顏魯公與文徵仲日可萬字運筆若飛小則
蠅頭大則徑尺咄嗟而辨從來書家之神速恐未
有若此者 許伯倫行書師孫過庭勁媚錯出圓
熟溫茂如王謝兒郎皆有體韻 沈生子真書師

晉諸王而波拂點畫具有拔山之力 姚允吉真
行法率更稍益以已意簡峭中微帶風貌故自彬

彬 余世奕真行師閣 筆勢道美行列古雅較
乃祖司成當有出藍之譽 孫幼如真書如玉環

豐豔而有致行草師米元章蕪湖學記碑幾如優
孟之視叔敖歐陽惟禮真師率更篆八分師二李
與梁鵠結構不疎古雅有意 胡彭舉八分書師

魏之受禪碑簡勁方正中雅氣逼人如陶貞白坐
聽松樓上語語烟霞無一點塵氣 黃叔遁行書

法章草而清勁特甚余嘗戲謂君舉體充悅拖沓

上元縣志

卷末

辨佚

堯

當號笨伯而作字秀羸故是一反 許無念爲伯

倫長子真行似乃父而秀逸過之真如趙合德初
進御時以輔屬體無所不靡 魏考叔真書帥黃

庭經結構緻密神采流麗圓扇三尺嫣然動人

近時洪仲韋名寬家金陵工書法能詩刻有鶴遊
堂帖蝶菴集溧陽宋如園劄亟稱之 劉今度名

象先書法稱名家尤善章草天性淳厚與人接如
坐春風爲魏國徐公六岳所重 林古度亦善正

書并工行草 唐長史時行書有逸致 顧貢士

夢游初聖教後自成家一時重之屏幃多出其手

于秀才微善行書 鄧彰甫耀能蠅頭楷于便
面上寫詩經一部

晉戴逵字安道年十歲在瓦官寺畫王長史見之曰
此童非徒能畫亦終當致名但恨吾不及見其盛
耳逵子顛亦以畫名

顧愷之字長康圖寫特妙常畫裴叔則頰上益三毛
人問其故顧曰裴楷俊朗有識具正此是其識具
看畫者尋之定覺益三毛神明殊勝又畫謝幼輿
在巖石中人問所以顧曰此子宜置丘壑中又欲
圖殷荊州殷曰我形惡不煩爾顧曰明府正爲眼
上元縣志

卷末 撫佚

本

耳但明點眸子飛白拂其上使如輕雲之蔽月常
畫人不點睛人問之顧曰四體妍媸本無關於妙
處傳神寫照正在阿者中宅在瓦官寺東北所著
有文集及啟矇記傳于世

南北朝張僧繇常於金陵安樂寺畫四龍而不點睛
每云點之則飛去矣人以為妄因請點之須臾雷
電破壁見二龍飛去未點睛者如故初吳曹不興
圖青谿龍僧繇見而鄙之乃廣其象于龍泉亭太
清中雷震龍泉遂失其壁乃知疑于神也晉瓦官
寺梁開善寺俱有僧繇畫

前代金陵畫手如南唐徐熙江南名族也善畫花竹
林木蟬蝶草蟲多游園圃以求情狀寫意出古之
外自造于妙尤長設色生意燦然劉道醇畫評列
爲神品王齊翰工畫羅漢厲昭慶工佛像尤長于
觀音句容郝澄以丹白樂周文矩能畫鬼神冕服
車器人物昇元中命圖南莊最爲精絕江寧沙門
巨然畫烟嵐晚景當時稱絕蔡潤善畫舟船及江
湖水勢曹仲元工畫佛道鬼神竺夢松工畫人物
女子宮殿樓閣顧德謙工畫人物劉道士工畫佛
道鬼神

上元縣志

卷末

據佚

李

江南北苑使董源善畫尤工秋嵐遠景多寫江南真
山不爲奇峭之筆巨然祖述源法皆臻妙理大體
源及巨然畫其用筆甚草草近視之幾不類物象
遠觀則景物粲然幽情遠思如觀異境如源畫落
照圖村落杳然深遠悉是晚景峰之頂宛有返照
之色此妙處也

宋艾宣工畫花竹翎毛孤標雅致別是風規敗墓荒
榛尤長野趣東坡跋其畫云宣畫花竹翎毛爲近
歲之冠旣老筆尤奇

李士雲金陵人善山水尤長于寫照王介甫鎮金陵

爲傳神介甫贈以詩曰衰容一見便疑真李氏揮
毫妙入神欲去鍾山終不忍謝渠分我死前身
陶縝金陵人所作花果精緻可玩荆公有題所畫示
德逢詩烟雲過眼錄言鎮江張萬戶所藏陶縝菜
諸色凡三十種

黃蘊真名琳字美之家有富文堂收藏書畫古玩冠
于東南吳中都元敬自負賞鑒一日同顧華玉聯
騎過美之看畫元敬謂之曰故置宋元其亦有唐
人筆乎美之出王維著色山水一卷王維伏生授
書圖一卷又出數軸皆唐畫也元敬驚嘆以爲生
上元縣志

卷末

據佚

空

平未見云

顧文莊曰余家右童子卷丙辰五月因濬溝掘地得
斷碑一片其一面有字言是曹仲元畫山水人
物樹木有樵夫擔柴柴上懸一小籠籠中有省又
有擔衣篋前行而後有駕牛車者又岸晒魚網小
舟橫於水中最爲精妙按劉道醇五代名畫補遺
仲元建康人少學吳生攻畫佛及鬼神仕南唐李
璟爲待詔凡命意搦管能奪吳生意思時人器之
後頓棄吳法自立一格而落墨緻細傳彩明澤璟
嘗命畫公寶公石壁冠絕當時故江介遠近佛廟

神祠尤多筆跡此固其一也其一面爲武洞清筆
畫有優曇樹下立一峰石前古佛手持經卷止一
半身其餘缺壞矣按洞清乃武岳子米芾畫史稱
其作佛像羅漢善戰掣筆作鬚髮尤工天人畫壁
髮彩生動然絹素動以粉點眼久皆先落使人惜
之洞清亦南唐人二子遺跡世無存者今乃從地
中斷石得之豈非畫史中一段嘉話耶曹畫所題
字不在上亦不在下畫脚與字脚相對刻之今代
亦無此式

吳偉字次翁江夏人少遊金陵遂居焉山水人物入

上元縣志

卷末

據佚

奎

神品性慤直有氣岸一言不合輒投研去成化成
國朱公延至幕下以小仙呼之因以爲號憲皇召
至闕下授錦衣鎮撫待詔仁智殿有時大醉被召
蓬首作而曳破皂履跟行中官扶掖以見上大笑
命作松風圖偉詭翻墨汁信手塗抹而風雲慘慘
生屏幃間上嘆曰真仙人筆也偉出入掖庭奴視
權貴人求畫又多不與於是權貴人數短之居無
何放歸南都偉好劇飲或經旬不飯在南都諸豪
客日招偉酣飲顧又好妓飲無妓則罔懽而豪客
競集妓餌之孝宗登極復召見便殿命畫稱旨授

百戶賜畫狀元印章逾數年稱疾歸居秦淮之東
涯武宗卽位召之使者至末就道中酒死子山從
遺命葬於金陵

王子新作松塢高士圖以贈東橋先生大設色規摹
趙集賢大山頭下有長松數株一人跌坐其下神
檢出塵表何柘湖言其無畫家谿徑疎秀可愛蓋
風韻骨力出于天成也顧少宰藏有一扇面乃子
新所畫墨梅一枝花瓣用淡墨爲之精雅明秀姿
態橫生後小楷書一絕句西園春風暖復回天桃
濃杏一時開山禽對我關關語野叟看花故故來

上元縣志

卷末

據佚

畜

字法智永而道勁過之其畫不可多得

戴文進永樂間初至金陵襆被爲負者挈去文進借
酒家筆圖其貌示衆投夫咸曰某也往迹之得不
失吳小仙春日同人遊杏花村酒渴從老嫗索茗
明年復過之老嫗已謝世小仙援筆追寫其像其
子見之大慟不已乞而藏之家又傳小仙幼時戲
爲蒙師之婦寫照師怒詈之後婦亡累摹弗肖竟
用小仙之筆以祀二公皆不以寫照名而落筆輒
奇絕若此至人信不可測

金陵瑣事載前賢畫品云靜誠陳先生遇善山水會

寫太祖御容妙絕當時。陳中復靜誠先生弟繪事精雅。幼年在靜誠先生側，戲弄筆墨。靜誠叱曰：吾豈他無一長汝，乃習其下者乎？亦工寫照。史謹太倉人工繪事，流寓金陵，自號吳門野樵。長於寒林雪景，自題其畫云：雨餘山色翠如苔，樹杪寒烟濕未開。童子無端掃紅葉，隔林知有故人來。張文僖益別號翫菴，喜寫松竹小技，宜讓矣。故翫菴之畫最少，有畫法一卷藏于家。沈誠字文實，別號味菜居士，喜繪事，興到落筆自成一家。金太守潤工山水，神會天出，傳世者絕少。殷善

上元縣志

卷末

據佚

奎

字從善，花木翎毛。自呂廷振林以善兩派中來，殊有清致。善之子名偕，能專其業。傳禮字公緒，與同時。鄭堂皆善禽鳥花木景染色，三人如出一手。馬俊字惟秀，號訥軒，山水倣唐宋人，最古雅。獨以鬼神馳名。吳瑛字元玉，號石居，成化己丑進士官至郎中。山水法戴文進。李葵字誠伯，見人繪畫輒能模倣，雖百物像貌無不曲盡。將子誠幼工山水，中年悔其習，遂畫佛像。觀音大士爲明第一手。許昂字世顯，梅花清楚不俗。胡隆字興，蔣子誠門人工於神鬼。陳魯南贈之詩云：生此

南都住北都十年踪跡遍江湖歸來爲憶當時事
醉裏淋漓入畫圖 史大方工山水謝子象題其
畫云朱牖畫舸繫神都翠篠黃茅覆酒壚好似石
頭城外景隔溪歌舞莫愁湖 史癡山水人物自
寫胸中逸氣不可以畫之常格求之 江質字孟
文浙人流寓南京山水專師戴靜菴但用墨太濃
耳 山農金元玉畫梅花有逃禪老人筆意自題
絕句云一別西湖未得歸孤山風月近何如春來
賸有看花興又向君家寫折枝 金璿字元善號
松居精于醫旁及繪事會寫袁安卧雪圖兄元玉

上元縣志

卷末

據佚

矣

題云一片堅貞天地知甘貧豈但雪中饑平生恥
作千人熊縱使天晴也不宜 嚴賓字子寅精於
賞鑒與文仲交好得徵仲畫百餘幅畫小景酷似
徵仲 蔣嵩號三松善山水人物多以焦墨爲之
九峰徐子仁雖不以丹青馳譽所畫松竹花
蕉石皆精雅可愛 許縉字尚文工山水 馬稷
字舜舉號醉狂善山水人物花木竹石 薛仁字
子良山水人物花草專學吳小仙之筆故又號半
山 李著字潛夫號墨湖童年學畫於沈啓南學
成歸家每做吳次翁之筆以售謝子象題其畫云

銀河無路泛仙槎一舸空江此是家殘月照人秋
睡 不知清夢在蘆花 秋碧陳大聲山水做沈
啟南余藏送史廷一小幀自題絕句云情深此日
難爲別相送元方又季方萬里楚江孤棹迥穩吟
秋色到維揚 景卿字夢弼善小景花草常寫杏
花自題絕句云晴團紅粉護春煙彷彿江村二月
天記得踏青回首處一枝斜拂酒樓前 王子新
畫法趙松雪得其神俊 黃珍字懷季花草有黃
荃筆許通善畫牛可亂戴松之筆晚年自悔用心
之悞恐墮畜生道中廼專工佛像 林旭字景初

上元縣志

卷末

據佚

李

少聰敏善畫山水品格甚高尤精于傳真年未三
十而卒 陳子野墨竹花草絕無一點俗氣文徵
仲稱其竹枝清氣逼人且戒門下士到南京不可
畫竹彼處有人蓋指子野 陳石亭六七歲便搦
筆摸倣古人之畫後入翰林與文徵仲講論其畫
更進凡宦遊所歷覽之名山大川皆圖成卷軸最
得馬河中夏禹王之妙相傳金陵古今圖畫舊缺
乃其手繪也 鄒鵬字遠之號筠居工山水 盛
安字行之號雪蓬居聚寶門外五聖巷爲人梗介
清約以梅花馳名詹景鳳云盛之畫梅豪縱而爽

趣勝陳憲章王謙皆不及 王孟仁字元甫山水

清潤有法文徵仲極喜之謝應午題其畫云吾愛

王摩詰從來老畫師鉛華渾欲洗墨韻自生姿疎

樹秋雲合孤舟晚鏡移煙江曾獨泛相對正堪疑

胡懋禮山水脫去塵俗但所畫者不多耳 謝

賓舉字子隱山水人物步驟戴靜菴具體而微

顧清甫究心禪理而畫自成一家谿徑迥絕人不

能學 雲浦盛仲交畫有逸才有妙賞 秋澗姚

元白晚年工畫梅枝 楊秀才一洲字伯海山水

小幅可觀 王秀才建極字用五工山水 何侍

上元縣志

卷末

撰佚

矣

御仲雅工山水戲寫蘭竹最有清趣 胡宗信字

可復山水最秀潤 史元昭工山水 沈碩字宜

謙號龍江長洲人流寓南京曾學畫三年不下樓

工于臨摹 姚太學衍舜字光虞工寫松枝 杜

大成工草虫齊宗朱慶聚號似碧山水與枯木竹

石清雅可觀 江潮宗字容夫天分甚高詩文可

立就顧役志于繪事友人規之讀書則曰世寧有

凍餒之江生乎中年家落窶甚嘗日晏未炊妻有

慍色猶持筆伸紙作小景忽友人持錢米至乃付

妻孥曰此豈徒得者耶急持去作午厨母擾我為

其達如此 秋巖王允恭字謙父寫竹枝允恭爲和陽教督學熊廷弼索劣生允恭力言其無熊固索允恭自銀鐙以見遂免時人稱其有守 謙居

鄭道光字元韜寫梅花 曾鯨字波臣莆田人流

寓寫照入神 齊王孫睿煥號渤海山水師倪元

鎮睿晉字翰之下筆清遠迴無點塵子知鄭字思

遠爲諸生後棄去隱深水山中能畫爲詩數百首

卓然不羣 盛事字不朽工山水 劉邁字種德

工花草 姚履旋字允吉畫折枝梅 朱揮工花

草 俞希允折枝花學宋人 冶城道士沈禮山

上元縣志

卷末

據佚

完

水亦清 冶城道士唐道時字子行學畫于胡長

白 馬氏名閑卿號芷居陳魯南夫人善山水白

描畫畢多手裂之不以示人曰此豈婦人女子事

乎沈氏沈宜謙女楊伯海妻工折枝花吳中黃姬

水題其杏花云燕飛修閣簾櫳靜紈扇新題春思

長妙繪一經仙媛手海棠生豔復生香 僧可浩

號月泉靈谷寺住持畫蒲桃有生意不減溫日觀

之筆 廣禮號大鏡報恩寺僧陳子野授以畫竹

之法

顧文莊曰瑣事載金陵畫品備矣然尚有數人焉宋

臣字子忠號二水善畫山水人物遠宗馬遠李唐
近效戴進吳偉極妙臨摹元宋名筆皆能亂真戴
圖繪寶鑑又有朱希文者善畫梅花與林旭同時
見陳中丞鎬金陵人物志 陳別駕鋼號遲宜子
善畫蒲桃其配金夫人善水墨畫所寫蕃馬峭勁
如生 萬歷中王元燿者以貲郎官四川藩幕善
畫從文氏父子入門後學郭熙巨然倪迂等皆有
其家法鑒畫亦有獨見 舊院妓馬湘蘭工畫蘭
清逸有致名聞海外暹羅國使者亦知購其畫扇
藏之又曰前輩士流工畫事者自陳魯南太史陳

上元縣志

卷末

撰佚

七

子野明府胡懋禮太史盛仲交文學外絕少後何
侍御仲雅繼之近日朱宗伯元介作畫山水花卉
巨幅單條觸輒與輒染所摹前人遂有南宮奪真之
妙 齊王孫國華工寫生繪梨花白燕鸚鵡錦鷄
翩然有生動之狀嘗寫松鶴以壽余意匠尤古雅
姚允吉文學之梅花金莘甫太學之菊花皆饒雅
趣 他如郭水村仁工寫大幅山水布置渲染具
有成法 胡彭舉宗仁畫自文五峰伯仁來晚出
入王叔明黃子久二家其筆意古質頗有五代以
前氣象二子燿昆起昆奕奕皆有父風 李存箕

山水草樹綽有勝情骨法不凡究爲能品 魏
叔之璜弟和叔之克工山水筆法秀美姿顏輒媚
有不勝羅綺之態此皆近日行家以畫名者 近
時能手如王延卿允齡摸倣各家皆有生氣 鄒
滿字典蕭疎秀爽有高人之致 謝仲美成寫真
逼肖有頰上三毛之妙山水花鳥皆可擅長而爲
人醇雅克孝了非時流可及 盛懋開胤昌作畫
頗拘尺幅而持身高潔綽有古風年幾九十步履
如少年時其子丹字伯含琳字林玉皆以畫名伯
仲恂恂交游咸敬愛之 施雨咸霖畫山水不屑

上元縣志

卷末

據供

三

屑景色閒有元人風度近日畫家惟霖可稱逸品
薛九江南富家子得侍李後主宮中善歌稽康稽康
曲名後主所製也江南平零落江北每歌此曲坐
人皆泣錢易爲之詞曰薛九三十侍中郎蘭香花
熊生春堂龍蟠王氣變秋霧淮聲與水浮秋霧宜
城酒烟濕霧腹與君試舞當時齟玉樹遺詞莫重
聽黃塵染鬢無前緣

蔣康之金陵人知音善歌其音屬宮如玉磬之擊明
堂溫潤可愛癸未春度南康夜泊彭蠡之南夜將
半江風吞波山月啣岫四無人語水聲淙淙康之

扣舷而歌江水澄澄江月明之詞湖上居民莫不
擁衾而聽推窓出戶見聽者匿岸少焉滿江如有
長嘆之聲自是聲譽愈遠

太和正音譜

瑣事載金陵曲品云馬俊小令不減元人 史癡工

小令 陳全秀才有樂府一卷行于世但工嘲笑

而無詞家大學問 陳鐸字大聲有秋碧樂府梨

雲寄傲公餘漫興行于世所爲散套穩協流麗被

之絲竹審宮節羽不差毫末 徐霖填南北詞大

有才情語語入律 陳魯南有善知識苦海回頭

記行于世最膾炙者梅花序 羅子修雪詞絕妙

上元縣志

卷末

據洪

三

盛鸞有貽拙堂樂府二卷 邢太常一鳳所填

南北詞最新妥入絃索 鄭仕字子學工小令

胡懋禮有紅線雜劇最妙 杜大成工小令有詞

評一卷名納涼偶筆 金 字在衡有蕭爽齋樂

府最是作家 吉山王逢元最是詞曲當家 沈

峰越工小令 盛壺軒敏耕工小令 石樓高

志學秀才工小令 段炳字虎臣秀才嘗和馬東

籬百歲光陰一套金在衡見之極口贊賞曰押如

此險韻乃得如此妥帖足以壓倒東籬 張四維

字治卿號五山秀才有 工間情藏于家 黃方

胤有陌花軒小詞 黃又元名開第馮海浮門人

汪肇部名宗姬有傳奇行于世 武陵仙史工

小令 皮元素名光淳最是作家 徐惺宇名維

敬工小令

南都方言言人物之長曰媼條美曰標致蠲曰乾淨

其不蠲曰齷齪惡曰邈邈曰暗贖曰麀糟言事之

軒昂曰囊傘上歇平有圭角曰文查老成曰穩當

其輕薄曰姑嫜不雅馴曰蠢直臘上聲曰朗伉平聲

曰磊砢曰孟浪曰齷蒲併反鏡曰莽撞曰粗糞曰倔

彊曰龕糙其俊快可喜曰爽利曰乖角曰踢跳曰

上元縣志 卷末 據 七

綉繻秀潘曰活絡其不聰敏 曰鶻突曰糊塗與上一也

音稍曰懵懂曰勺鐸音韶道似當為少度以為思

道字改曰温暾以當為混沌曰没汨曰憫渾曰禿

儂修容止曰打扮形惡者曰豚臠人之亡賴曰儂

賴言之多而躁曰渣哇曰激聒曰瑣碎曰嘈嗜下音

匪一曰曩咄曰啐叨曰的達曰絮聒其小語而可

厭曰呱噉曰啣噉曰啣嘈鬣而呻者曰哼唧作事

之不果决曰摸捺曰臄臄曰乜斜曰落索曰塌僿

其捧物不敬曰葵莫烈曰蹀躞其敗事曰郎當人

之谿刻者曰跣落音各曰疙痞曰曉嘆曰挽搭曰

刁蹬曰雕鐫曰窶數其果而窶者曰裂決用財吝

曰拈搯曰寡辣曰醜尫能不彰著曰隱宿其反是

曰招搖曰倡揚或徇人之貧乏曰褊短勉強營為

曰搨拽曰巴結曰扯拽曲處以應之曰騰那展轉

造端曰拐揣恰相當者曰促恰不合事宜曰差池

與世乖舛曰跣蹬曰躡躑曰落魄下音薄其少精彩

曰尫尫類或曰萎蕤敗壞之甚曰壘堆性堅執

曰直紂好搬弄曰翻騰曰佑倒自矜尚曰支楞曰

峻嶒不分辨是非曰含糊面羞澀曰腩腆一作眠姪行

不端徐曰跟踉俱去聲交關人物曰瓜葛或曰首尾

上元縣志 卷末 音

男女之私相通者亦曰首尾以事難人曰揉抄人

之發跡曰升騰談笑不誠恪曰欵歌希或曰哈哄

闌入人中事曰夾插優人曰聒噪籌處事曰度量

上音刀檢物用曰拾掇以言從臾曰擻掇北韻也批抑人

曰挂擦曰敦摔曠大不拘束曰浪蕩音朗物之細

小者曰些娘事之有隙可指曰窟寵其有歸著曰

撻煞曰合煞曰與結無破敗者曰囫圇曰團團不

分別曰儻侗物事就理曰條直不了結曰地拉欲

了不了曰丟搭身之孤獨曰伶仃可憎曰臭厭其

不爽潔曰漬淖刺眼之視不定曰的歷都盧手之

捉物曰捫捓摸索身之失跌曰撲騰入水聲曰洄洞或曰骨都心之不快曰懊懣倣笑之態曰嚙尿

迷兮氣勃鬱曰籛除凡物之聲急疾曰忽刺又大曰

碎磅行曰颺律忽曰颺六

吳孫皓鑄一鼎于蔣山紀吳之歷數八分書晉懷帝

永嘉六年鑄一鼎沉于瓜步江中無文字鼎似龜

形宋文帝得蝦魚遂作一鼎其文曰蝦魚四足齊

高祖諱道成於齋中池內見龍鬪簫鼓音遂埋一

鼎其文曰龍鼎真書四足梁文帝大通元年於蔣

山埋一鼎文曰大通真書又鑄一鼎書老子五千

上元縣志

卷末

據

蓋

言沉之九江中並蕭子雲書陳宣帝於大極殿中

鑄一鼎文曰忠烈常侍丁初正書見梁虞荔鼎錄

宋後廢帝昱以元徽二年於蔣山頂造一劍銘曰

承昌篆書見陶弘景刀劍錄

南朝有姥善作筆蕭子雲常用之筆心用貽髮開元

中筆匠名鐵頭能瑩管如玉莫傳其法

胡綜博物孫權時掘得銅匣長二尺七寸以琉璃為

蓋又一白玉如意所執處皆刻龍虎及蟬形莫能

識其由使人問綜綜曰昔秦皇以金陵有天子氣

平諸山阜處處輒埋寶物以當于氣此蓋是乎

松窓雜錄衛公長慶中在浙右曾有漁人于秦淮垂
機網下深處忽覺力舉異于常時及歛就水次卒
不獲一鱗得古銅鏡可尺餘光浮波際漁人驚取
照之盡見五藏六府筋縈脉動竦駭神魄因腕戰
而墜漁人偶話于舍旁遂聞於公盡用歲萬計窮
索水底終不復得

沈存中曾於建康見發六朝墓得玉臂釵兩頭施宛
轉可以屈伸令圓僅於元縫爲九龍繞之功伴鬼
神

相傳明初填燕雀湖爲宮殿中有大穴愈填愈深劉
上元縣志

卷末

據

其

青田啓上親填之忽有一婦人抱子從穴中出至
太平門外乃隱

金陵鍊塔倉一鍊剪上覆以亭不知所設亦不知何
以在此先是倉中多失米謂是剪作崇今上米者
歲一祭之

欽天山有觀象臺上度銅渾儀四隅柱各一龍蟠繞
拱之而龍各以一銅銀錙繫之相傳前幾年風雨
中一龍曾飛去人伺而見之遂加鎖自是不復飛
龍華庵在縣治東致和街因康熙戊戌年三月被火
延燒六十餘戶各憲臺親臨勘視衆姓愿將基地

公捐立庵以祈呵護旋接天界寺僧寶光住持至今香火不絕

萬歷丁未冬秦淮河儒學貢院之前冰成花卉其枝葉瓣朶無一不具時以爲荆見之異然前記已多有之紹興七年建康府寓旅家盆水結冰有紋如畫佳卉茂木華葉敷芳數日易以他水愈出愈奇又酉陽雜俎言開成末河陽黃魚池冰作花如纈夢溪談言慶歷中京師集禧觀渠中冰紋皆成花果林木又元朝末秀洲人家屋瓦上冰亦成花每瓦一枝正如畫家所爲折枝有大花似牡丹芍藥

上元縣志

卷末

據

老

者細花如海棠萱草者皆有枝葉氣象生動雖巧筆不能爲之以紙搨之無異石刻又宋次道春明退朝錄天聖中青洲盛冬雪霜屋瓦皆成百花之狀

海棠不香不實鍾山有海棠一株歲結實食之外香而中酸區用孺太史爲作贊

靜海寺海棠永樂中太監鄭和自西洋携至建植于此至今猶繁盛或云此西府海棠之始

上元縣志卷末 撫佚

撫佚

鳳凰片羽足覘德輝玉剖荆山寧惟全璧金陵自六朝而降吳宮晉苑埋沒荒煙而一二名賢或詩標好句或節蘊幽光竊加綴輯並有關文獻者彙為一編以補前集之不逮志撫佚

上元縣志

卷末

撫

一



上元縣志 全十六冊

清·藍應襲修

江蘇廣陵古籍刻印社出版
南京古舊書店發行

定價一百六十元

一九八八年十二月印刷

